

十八

人集

總督軍務

總督漕運



至階勲

六十一番

事言要玄卷之七

總督軍務

王元美曰高皇帝初中山武寧王達等下陝西遂適平甘肅寧夏諸鎮秦慶肅三公填之而侯伯都督耿秉文等理兵政間命宋穎諸國公一按閱操練而已永樂始命寧陽侯陳懋西寧侯宋晟鎮寧夏寧遠侯何福等鎮甘肅而文臣不過分理文移治糧餉而已正統初西虜弗靖始命兵部尚書王驥提督諸軍拮總兵官任禮掌貴上討平之而陝西命右都御史王文陳鎰分歲鎮守然實未嘗合三鎮而歸一總督也成化初滿四據石城叛詔左副都御史項忠總全陝三邊兵討之已詔右都御史王越右副都御史馬文升總兵如之然有事而置事已則革不為

北京圖書館藏

卷之七

恒也弘治十年始起王越以太子太保左都御史總制禦火節
十一年平十五年秦紘以戶部尚書起寄如越自是定矣嘉靖

十九年避制字改總督都御史楊一清陳震張泰唐龍張珩
曾銑貝應春魏謙霍冀梅友松等

宣大始贊理鎮朔征西二將軍軍務兼理巡撫後或合而一或
分而為二自尚書石璞之總理則總督昉也然或置或否至嘉

靖十年而始定耳都御史王越余子俊李介史銖閻仲宇
文貴叢蘭丁鳳劉源清翟鵬翁萬春等總

督薊遼保定軍務最為近設嘉靖二十一年因虜警胡守中以

兵部右侍郎提督駐劄薊鎮二十九年孫禮以兵部左侍郎提

督未久俱勒歸最後始創設總督開府密雲總轄順天保定遼

東三巡撫總兵以下悉聽節制仍兼理糧餉都御史何棟王忬
楊選劉熹曹邦輔

劉應節周詠
張國彥等洪武元年師未下廣東西命永嘉侯朱亮祖出

鎮廣東永樂中廣西則都督韓觀安遠侯柳溥相繼為大帥得

專征正統十四年苗寇蜚起廣東則命侍郎揭稽廣西則命侍

郎李棠各巡撫之然二廣地勢犬牙賊東西豕突來往叵測而

武臣自守便利不相策應天子用兵部尚書于謙言命太子

太保左都御史王翱總督兩廣軍務自總兵以下悉聽節制一

切便宜從事然事已即歸不恒設成化元年因外訌陞浙江叅

政韓雍為僉都御史贊理軍務然制書特重雍既平寇遂命總

督軍務兼理巡撫久之雍以兩廣土地廣遠恐餘孽復生重貽

邊患請於朝百得文武大臣分理其事上命副都陳濂撫廣

東僉都張鵬撫廣西而雍專治軍尋以憂去五年復起雍以右

都御史總督兼巡撫於梧州開設總府居中調度兩廣副總兵

...

參將而下悉聽節制而兩廣巡撫復不設仍統於總督正德十一年改總督為提督嘉靖四十五年因廣東寇發遙制不便兵部題准總督軍務止撫廣西於廣東另設巡撫至隆慶四年又

改總督關廣燕理糧餉巡撫廣東於廣西另設巡撫都御史馬昂葉盛吳琛林廷選楊旦蕭翀王守仁林富張經張岳王鈞鄭綱吳桂芳劉堯誨陳瑞郭應聘吳文華吳善劉繼文戴燿等

總督漕運兼巡撫 太祖有天下漕東南粟於海以營

遼東五年屬靖海侯吳禎後卒乃遣都督朱壽張赫領之二十

年冬十月享 太廟封壽舳艫侯赫航海侯又嘗建漕運使尋

罷 成祖始命平江伯陳瑄治漕河內地贍北京景泰二年特

命都御史王竑總督與總兵參將同理其事尋令淮陽盧鳳四

府徐和滁三州屬竑巡撫監督常盈倉以淮為治所至成化八

年改巡撫總漕各設一員明年復舊正德十三年又各設一員

十六年復嘉靖三十六年又改各設一員四十年復都御史陳泰騰昭劉

璋徐鏞王瓊邵寶屈直李欽劉節應賈馬森王宗沐舒應龍薛三才等

各省巡撫 海涵錄舊制無巡撫侍郎等官宣德中吏

部止有蹇尚書左右侍郎久缺後蹇奏保文選鄭郎中誠陞右

侍郎本部趙郎中新事蹇媚且久因缺望日言于蹇曰鄭誠做得

趙新如何做不得蹇欲奏難于中命久之假以巡撫各處為名

保陞十二人為侍郎趙得列巡撫江西此巡撫之名自趙新始

節度使

類聚古方伯連帥之職後漢劉虞為幽州牧就拜大司馬公孫

瓚討烏桓詔令授虞節度晉伐吳詔王守受杜預王渾節度唐

自武德至天寶以前邊防之制其軍城鎮守捉皆有士而道有大將一人曰大總管已而又曰大都督至太宗時行軍征討曰大總管在其本道曰大都督自高宗永徽以後都督帶任持節者謂之節度使然猶未以名官景雲二年以賀拔延似充河西節度使自此以後接乎開元天寶之間朔方隴右河東河西諸鎮皆置節度使緣邊之地凡八節度外任之重無比焉宋故事節度使不帶使相位在卿監下至乾德五年升節度使班在龍墀內金吾將軍上無定員恩數與執政同初除瑣院降麻禮尤異焉祖宗以待宗室近屬外戚國婿年勞久次若外任除殿帥始授此官亦止一員或有功勳顯著任帥守於外及前宰執拜者不輕受元祐官品令節度使從三品元節度使正四品國朝十三

省各置布政使仍設巡撫以督鎮之以爲節度安撫職也

唐百官志節度使掌總軍旅顛誅殺初授具帑秣兵伏詣兵部辭見官察亦如之辭日賜雙旌雙節行則建節樹六纛中官祖

送次一驛輒上聞

曲阜制帥鉞將旌六帖節制諸侯糾繩列郡建牙大任分關重寄轅門幕府將星人傑

唐節度使入境州縣築節樓迎以鼓角衙仗居前旌幢居中大將鳴珂金鉦鼓角居後州縣齎印迎于道左從事三日洗印視其利闕歲以八月考其治否銷兵爲上考足食爲中考邊功爲

下考

常衮集再麾飄飄而出守十乘麟麟以啓行龍節

魏旌降於天上亦爲書翠軸錫在掌中號爲開府
張延賞爲淮南節度歲旱民它遷吏禁之延賞曰拘此而斃不如適彼以生乃具舟遣之勅吏爲脩室廬已逋債而歸者更增於舊瓜步舟車津湊而遙繫江南延賞請度屬揚州自是行無

稽壅

楊炎河西節度使廳壁記皇帝肇建節制之任位以上將主四方之兵濟河而西五侯四將十有六縣大海磅礴乎終始山河迴流其左右旄頭虎力之勁劔服穹廬之長煌煌長車千乘橫合萬里皆主乎是邦故秦已上為戎都漢以下為巨防有城府襟帶焉有良將大勳焉有五都污雜焉其風悍其國險鮮車龍服囂然相蕩非古之戰守曷以成其烈而樹其風者哉

開元十四年河西節度副大使知節度使蕭嵩同中書門下平

章事節度如故宰相遙領節度自此始王仲嗣為河西隴右節度使權朔方河東節度

厥四將印勁兵重地控制萬里

柳公綽使山南時牛僧孺罷相入江夏公綽具戎服於郵舍待

之軍吏以漢上地高於鄂禮太過公綽曰竒章纔離台席方鎮重宰相是尊朝廷也竟以戎服見之嘗行部至鄧縣有二吏犯法一賊絹一舞文判之曰賊吏犯法法在奸吏壞法法亡誅舞文者

唐志杜牧追咎長慶以來朝廷措置無術復失山東鉅封劇鎮地大者連州十餘小者猶兼三四故兵驕則逐帥帥強則叛上或父死子握兵而不肯代取捨由於士卒往往自擇將吏號為留後以邀命於朝天子力不能制因而撫之謂之姑息之政姑息愈甚而兵將愈驕由是號令自出以相侵擊

宋史三世節度使一家吳琳子挺孫曦四世二家錢忱高祖倣曾祖惟演父景臻鄭藻大父紳父成之子與裔五世一家韓侂

曹曾祖忠獻從子邈從孫同卿曾孫某兄弟建節七家吳玠弟

吳益弟蓋吳拱弟挺吳瑤弟塚李孝友弟孝純

安撫使

考索梁武帝普通六年置魏以鄜道元為大使慰撫六鎮大使始此隋開皇詔遣柱國韋洸安撫嶺外仁壽四年以楊素為并州道行軍總管河北道安撫大使唐貞觀初遣大使十三人巡省天下諸州水旱則有巡察安撫存撫之名節度使兼之則有副使天授二年發十道存撫使宋不嘗置自咸平二年以翰林學士王欽若為西川安撫使知制誥梁顥為陝西安撫使安撫使之名始此其後景德三年始置河北沿邊安撫使以雄州守臣為之而陝西沿邊諸州亦有安撫使皇祐四年詔廉桂二州帶經畧安撫使宣和二年臣僚言陸賊猖獗乞以杭越知州總領諸路安撫鎮撫一方詔杭越州江寧府守臣茲帶安撫使詔洪州守臣可依江寧府安撫使凡諸路安撫逐州知州兼以直秘閣以上充掌總護諸將統制軍旅察治奸宄以肅清一道凡兵民之政皆掌焉建炎四年又有安撫大使自兩浙西路劉光世始二品以上為帥即為安撫大使元有安撫使正三副使正四品

唐職林儀鳳二年詔裴行儉為安撫大使使歸至京師將吏為

刻石於葉城紀功帝勞曰行儉提孤軍深入萬里兵不血刃叛

黨擒夷可謂文武兼備矣

狄仁傑字懷英突厥入趙定標掠遁去拜仁傑河北安撫大使

時民多脇從於賊仁傑願曲赦河北一切不問詔可
常衮代裴相公讓河南府道副元帥表伏以東征之寄相宅之
選皆周召之臣保釐統一也故二南風化見美詩人况洛邑經
陸渾之戎有舊染之俗賴陛下發皇明以燭之布陽和以煦之
流散所歸傷夷甫起非宏畧傑出功冠一時不可以專五侯九
伯之征總衣裳兵車之會

韓愈呈王中丞旁午降絲綸中堅擁鼓鐸江淮永清晏宇宙重
開拓

言行錄韓魏忠獻王琦益州路人饑爲體量安撫使公至則蠲
租減稅以募人入粟招募壯者刺以爲廂禁軍檄劍門關民流
移欲東者勿禁全活饑人百九十九萬蜀人曰使者之來更生我
也比狄梁公戎狄尤異公名凡使契丹及來使者必問韓侍中
安否

晦庵行狀劉忠肅公珙巨寇李金奮起爲亂以公爲荆湖南路
安撫使公入境賊衆已數萬公檄隣道謹圻堠守隘塞亟奏請
下荆襄發卒又遺書制置使沈介請毋須報而亟遣介爲遊兵
官軍日盛而賊勢日衰於是賊徒執李金以降酋黨盡戮既乃
錄諸將之功狀列上不以一毫有所私上嘉歎再三璽書褒美
周益公集張忠定公燾外和內剛臨事有仁者之勇在蜀四年
尤著惠愛百姓皆畫像以事後帥李璆贊云公昔在蜀千載一
人公今去蜀千百其身願公再來以慰斯民蓋實錄也

送鄧漕移帥揚州碧幢紅旆擁西風幾點淮山落眼中卧轍正

旨留使者寒帷早已識元戎留別金陵韓帥十二麟符玉截肪
仍映帶圍黃槐影緩趨三接晝棠陰先滿十連堂

楊次公贈馮楊帥文章老元帥節鉞古諸侯路穩歸黃閣功成

建碧油

經畧使

考索唐正觀二年邊州置經畧使此蓋使名之起節度兼度支

營田招討經畧使則有副使判官各一人儀鳳二年以黑齒常

之為河源軍經畧大使永淳元年婁師德為河源軍經畧副使

至德三年賀蘭進明除嶺南五府經畧兼節度使宋朝不常置

咸平五年始以右僕射張齊賢為邠寧環慶涇原路經畧使判

邠州諸路軍馬並受節度皇祐間儂智高擾邊詔知廣桂州竝

帶經畧安撫使自後西南二邊常帶經畧所以重帥權而服羗

夷也其經畧安撫各以直秘閣以上充掌一路兵民之事皆帥

其屬而聽其獄訟頒其禁令定其賞罰稽其錢穀甲械出納之

名籍而行以法若事難專決則具可否稟奏南渡之初依舊制

廣南東路帶主管經畧安撫司公事帥臣任河東陝西嶺南路

西路帶經畧安撫使紹興五年令襄陽守臣湖北帥帶經畧安

撫使元置經畧使正三品副使從四品

唐職林戴叔倫為容管經畧使綏徠夷落威名流聞其治清明

仁恕多方畧所至稱最德宗嘗賦中和節詩遣使者寵賜張公

安南經畧使自為吏習於海邦去之則夷獠稱亂復至則寇攘

順化及受命專征牧人盡區處之方制國備刑體之法儲峙委

積師旅無庚癸之呼繼完板榦控帶兼戍已之位皆用周

澠水燕談 范文正公帥邠延涇慶四都恩德著聞夷夏登服熟
戶蕃部率稱曰龍圖老子至於元昊亦以此呼之

言行錄 余襄公靖字安道嘉祐五年交趾寇邕州殺五巡檢驛
召公以為廣西體量安撫使公至則移檄交趾召其臣費嘉祐
詰責之嘉祐皇恐對曰種落犯邊罪當死願留取首惡以獻即
械送五人送欽州斬于界上

晦菴集 張敬夫經畧安撫廣南西路朝廷買馬橫山歲久弊積
邊氓告病而馬不時至公究馬利病得六十餘條皆有以窮其
根究而事為之防由是諸蠻感悅爭以善馬來歲額率常先期
以辨 唐中宗二年置十道巡察使姜師度馬懷素等充四年以
王繼恩為宣政使大曆十四年以白志貞為都知兵馬使
筆談 予為鄜延經畧使日新一廳謂之五司廳延州正廳乃鄜

督廳治延州事五司廳治鄜延路軍事如唐之使院五司者經
畧安撫總管節度觀察處置五使今節度之職多歸總管司觀
察歸安撫司處置歸經畧司其節度觀察兩案并支掌惟判官
今皆治州事而已經畧安撫司不置佐官以帥權不可不專都
總管副總管鈐轄都監同簽書而下皆受經畧司節制

白居易送嚴大夫赴桂州地壓坤方重官兼憲府雄桂林無瘴
氣栢省有清風山水衙門外旌旗艫艫中
張籍送鄭尚書出鎮南海牙旆從城展兵符到府開蠻聲吟夜
市海色潤朝臺

杜甫送李大夫赴廣州斧鉞下青冥樓船過洞庭壯風隨爽氣
南斗避文星

宣撫使

類聚唐元和十四年淄青克鄆等十二州平詔戶部侍郎楊於

陵以本官充淄青等宣撫使宋祖宗時不常置有軍旅大事則

命執政大臣爲之累朝但除向文簡范文正富文忠文忠烈韓

獻肅五人仁宗征儂智高以狄青爲宣撫使武臣宣撫自此始

建炎三年張魏公以知樞密院爲宣武處置使元仍宋制

書言二廣

經畧稱元帥四川制置曰制使總領曰餉臺主軍糧也提點坑冶則曰泉使主鑄錢

涑水記聞樞密直學士明鎬討貝州未下叅知政事文彥博請

自往督戰以彥博爲河北宣撫使彥博奏今在軍中請得便宜

從事上許之閏月克貝州擒王則

係年錄鄭剛中字亨仲爲川陝宣撫副使節制諸將極其尊嚴

三都統每入謁必先庭揖然後就坐及吳璘升樞校少師來謝

語主閹吏求講均敵之禮剛中曰少師雖尊猶都統制耳倘變

常禮是廢軍容璘皇恐聽命

咸平二年詔兵部侍郎叅知政事向敏中充河北東路沿邊宣

撫大使樞密直學士馮拯陳堯叟充副大使巡按郡國存問官

吏將校耆老百姓等真宗御長春殿置宴以遣之

言行錄李綱字百紀爲湖廣宣撫使有統制官張彥忠者駐軍

廣州頗擾一路公爲宣撫使召之不來公察忠樂爲郡檄令

權知岳陽忠果至即械送所司取旨誅之

虞忠肅公允文自逆亮叛順王權失律公以宣撫視師江上大

破賊軍逆亮遁入揚州是日李顯忠至公曰京口無備我欲往

公能分兵見助否顯忠即分李棒軍一萬六千人及戈船百艘會于京口公至京口謁劉錡錡曰朝廷養兵三十年我輩一技不施今日大功乃出於儒者我輩愧死矣

張說和餞王峻巡邊六月歌周雅三邊諗夏卿欲施攻戰法先作簡稽行禮樂知謀帥春秋識用兵一勞堪定國萬里即長城策布和戎利威傳破虜名

呂溫送范司空赴朔方築壇登上將膝席委前籌虜滅南侵趾朝分北顧憂抗旌迴廣漢撫劍動旄頭

布政使

類聚周官唐虞稽古建官惟百內有百揆四岳外有州侯牧伯

內有九官總之於百揆外有十二牧總之於四岳我朝內庶設六部即虞之九官外建十三布政使司即虞之十二牧

政惟和晉魏謂之行臺後魏為大行省隋隨其所管之道置於

外州謂之尚書省元外道置中書行省有左右丞參政僉行省

斷事官同僉行省郎中員外等官 國初置江南行中書省後

改為承宣布政使司布政使視平章從二品左右參政從三品參議

從四品其屬經歷理問俱從六品副理問都事俱從七品照磨從八品檢校正九品

品之職焉

北史齊辛術為東南道行臺文宣勅術曰留卿為臺欲理迓民

冤枉監理牧守

蘇綽為周文帝行臺郎中僕射周慧達稱其有王佐才帝召綽

等語曰真奇才也即拜大行臺左丞參典機密韓愈送文珍當藩垣屏翰之任

有弓矢鈇鉞之權惠文兩出咨岳政入填邦紀文選受瑞折珪建麾作牧

宋書范仲淹於監司也取班簿視不才者一筆勾之富弼曰一筆勾之甚易焉知一家哭矣仲淹曰一家哭何如一路哭

賢奕編豐布政公慶一日行部有知縣簞簞不飭聞至乃以白金為燭饋之公未之省既而廳子以告公佯曰試燃之廳子曰然而不燃也公又曰不燃則還之耳次日從容謂知縣曰汝燭不燃盡出之自今無復爾矣終亦不明其為銀燭事也論者曰此一事也而持已之廉待人之恕遠謗之智胥得焉

弇山堂洪武十三年以前吏部尚書遷行省叅知者皆為遷也

蓋尚書三品而叅政從二品耳永樂中人材馬麟為湖廣盛儀為廣西俱左布政使孫豫為山西江潤為河南艾瑛為浙江俱右布政使吳衡等六人為叅政叅議自是而後始絕響矣布衣

謂奇遇

按察使

類聚正觀初遣大使十三人巡省天下諸州水旱則有巡察安撫名龍神二年以五品以上二十人為十道巡察使按舉州縣

再周而代景雲二年置十道按察使開元改十道按察採訪處

置使天寶末又兼黜陟使乾元改觀察處置使宋開寶五年遣

常參官四人分詣諸路相度田土苗稼點檢採訪公事九年遣

和峴江南道採訪淳化二年諸路轉運司置提點刑獄景德以

朝臣充掌察所部疑留獄訟勸課農桑而按其官吏之不法者

詔三歲一遣郎中御史按察諸路監司元各道置提刑按察使

司有副使簽書等員至正改肅政廉訪司 國朝建文曰肅政

按察司又遣戶侍夏原吉給事中徐思勉等二十四人充採訪使分巡天下問民疾苦旌廉斥貪得以便宜行事今

和

人集卷七

為提刑按察司按察使

正三品

副使

正四品

僉事

正五品

其屬有經歷

正七品

知事

正八品

照磨

正九品

檢校

從九品

之職焉

漢書昭帝始元元年遣王平等持節行郡國舉賢良問民疾苦

元帝遣光祿大夫王褒等十二人循行天下

白集舜以五長綏四國若今之節制也周以十連率諸侯若今

之廉察也

唐書狄仁傑為江南巡撫使吳楚俗多淫祠仁傑一切禁止

留夏禹吳泰伯季札五員四祠

常衮為福建觀察使閩人未知學衮至設鄉校使作為文章親

加勸導由是習俗一變歲貢士與內州等

馬亮徙福建提刑獄亮主部覆訊寃獄全

活者數十人

德宗遣黜陟使十一人循行天下陸贄說使者請以五術省風

俗

聽爭訟納市價訊簿書覽車服省作業

八計聽吏治

計戶口豐耗視墾田盈縮視賦役厚薄視案籍繁簡

等三科登俊人

茂異賢良幹盡

四賦經財寶

閔稼度產料丁壯占商賈

敬老慈幼救疾恤孤賑貧窮任失業

五要簡官事

廢兵之冗食蠲法之撻人省官之不急去物之無用罷事之非

要

張九齡處分朝集使勅朕恭已守文布一心於兆庶明四目於

萬方凡今政要畧有四端衣食本於農桑禮義興於學校流亡

出於不足爭訟由於無耻近令刺史在任四考方遷實欲終始

其情黜陟斯繫必若縣得良宰萬戶息肩州有賢牧千里解帶

仁政不遙行之則是且如浮逖客戶所在安輯征鎮人家每事

優當倉廩惟實賦役惟均鰥寡撫存盜賊禁止郵驛無弊姦訛

不生念茲八事朕常屬想卿等還州遞相飭勉遵此王度恤彼

下人白帖明闡使感勤宣王命提舉國章糾述王隱

吳湊德宗初出為福建觀察使政清美譽四騰崔成字重易陝號觀察使自旦

至暮與賓僚痛飲恒醉不醒簿領堆積咸夜分省覽剖斷無毫釐之差胥吏以為神人

宣宗因讀元和實錄見故江西觀察使常丹政事卓異問宰相

孰為丹後宰臣周墀奏臣近任江西觀察使見丹行事餘風遺

愛至今在人其子宙見任河陽觀察判官上曰速與好官久之

拜江西觀察使政簡易南方以為世官宙弟岫字伯起盧攜舉

進士陋甚岫獨謂攜必大用攜執政岫自泗州刺史擢福建觀

察使云

崔鄜字廣畧昭愍時為陝州觀察使舊弊有上供不足奪吏俸

以益之歲八十萬鄜以廉使常用之直代之居二年政績聞於

朝遷鄂岳浙西觀察使至用寬政安疲人及居鄂渚則峻法嚴

刑未嘗貫一死罪江湖之間萑蒲是叢因造蒙衝小艦上下千

里暮月而盡獲群盜凡三案廉車率由清簡少事財用有餘人

遂寧恭子瑤歷浙西鄂岳觀察使瑾為湖南觀察使

敬宗荒僻日甚大臣罕得進言李德裕身居廉鎮傾心王室意

在切諫不欲斥言遣使獻丹宸箴六首一宵衣二正服三罷獻

四納誨五辨邪六防微

伊洛淵源濂溪先生周敦頤提點廣東刑獄不憚出入之勤瘴

毒之侵雖荒崖絕島人跡所不至處亦必緩視徐按以洗冤澤

民為已任

益公集何耕字道大除潼川提刑諭民作詩四十二篇語平易而教化寓焉郡邑家有其書強暴犯法父老必譙曰汝不誦何公詩乎往往知誨而民即無獄訟矣

揚誠齋送蔡定夫湖南憲方丈蓬萊第一人星軺玉節正青春送王季德提刑卿月使星銀漢曉繡衣綵服太湖秋

轉運使

類聚唐先天二年李傑始為水陸發運使使名之起於此開元二十一年裴耀卿以侍中充江南淮南轉運使而崔希逸蕭昊為副副使始此天寶以常堅充勾當轉運使第五琦充諸色轉運使其後韓滉杜棕杜讓能崔昭緯皆以宰相充使而諸道分置巡院皆統焉五代罷巡院始置轉運使宋乾德後僭偽畧平

始置諸道轉運使以總利權開寶六年廣南平除徐澤為判官蓋轉運判官始此其轉運使之名國初但曰勾當某路水陸計度轉運事官高者則曰某路計度轉運使太平興國初皆曰使兩省以上則為都轉運使又置副使與諸路判官又置同勾當轉運事慶曆中皆帶按察使之任後熙寧詔轉運使用本資序人充資序下一等為權二等為權發遣中興以來逐路都轉運使除受不常元置都轉運使正三品又置都漕運使茶鹽都轉運使各有副使知事等員 國初置京畿都漕運使專治京師

軍儲後漕運責總督侍郎轉輸由布政使自建文陸廣東鹽課司為都轉運鹽使司今并兩淮兩浙福建等九六運鹽使司

品有運同從四品運副從五品運判從六品經歷從七品知事從八品之職

馬

漢書秦欲攻匈奴使天下飛芻輓粟起於黃陞瑯琊至負海之

郡轉輸河北率三十鍾而致一石

分紀高帝時漕山東之粟以給中郎之官不過數十萬石

孝武通西南夷道作者數萬人千里負擔餽糧率十餘鍾致一石

昭帝五鳳中耿壽昌奏言故事歲漕關中穀四百萬斛以給京

師用卒六萬人宜糴三輔弘農河東上黨太原郡穀足供京師

可以省關中漕卒過半

唐書裴耀卿同門下平章事充轉運使於是置河陰集津三門

倉引天下租絲盟津汴河而西三年積七百萬石省運費三十

萬緡或說耀卿請進所省脚錢以明功利耀卿曰此蓋公家盈

縮之利爾不可以求寵乃奏充所司和糴等錢

德宗殺忠州刺史劉晏胡氏曰劉晏言利之臣而其言有不可

廢者出納必委之士類理財以養民為先官多則民擾論大事

不可計小費事必於一日中決之皆可法也

言行錄薛簡肅公天禧初為江淮發運使辭王文正公王無他

語但云東南民力竭矣薛退謂人曰真宰相之言也

事畢薛向為江浙等路發運使領均輸之職運舟兵士交相侵

盜貿易甚則託風水沉舟以滅迹向始募客舟以官舟運費募

寡而物全其舊弊悉去

宋書鮮于侁為京東轉運使司馬光曰欲救東都之弊非子駿

不可此一路福星也安得百子駿布在天下乎既至民大悅

富弼薦王紘為江東轉運使紘常言不法之人如使肆貪於一

郡一邑害良民千萬家不若去之止不利一家

黃允請置廉察罷轉運議其在唐虞則有十二牧在三代則有連率方伯正牧馬在兩漢則或稱刺史或稱州牧其實一也在皇唐則其大府有節度其次有觀察皆所以綱舉百柄持衆政作天子之藩宣也是故民之所仰望吏之所畏服朝之所毗倚其官必重其人必賢也今則不然外官小大自足及類悉統之轉運轉運非古也起唐中葉所以督錢穀而已矣今夫用錢穀之職總守宰之官守宰主宣教化者也教化義也錢穀利也利與義不能兩全是以下憂歲之不登而民之不粒上恐財之不豐而貢之不多是上下相戾也矧其充使者不過郎官御史其官既輕其人未必賢是民所仰望者卑也吏所畏服者弛也朝之毗倚者輕也

制置使

考索唐宣宗大中五年以白敏中充招討党項行營都統制置等使制置使之名始此宋朝不常置掌經畫邊鄙軍旅之事政和中熙秦用兵內侍童貫爲之建炎三年浙西安撫使康允之帶本路制置使紹興二年有沿海制置使

招討使

類聚唐貞元時置招討使自後隨用兵權置兵罷則停後以節度兼度支營田招討經畧使則有副使判官各一人五代後唐亦以招討使爲都統之副宋因之元有招討使副招討

唐書來瑱爲潁川郡太守充招討使肅宗以瑒武畧尤加委任

遷兼御史大夫收河洛屢挫賊鋒頻來攻皆為瑒所攻賊等懼之號為來嚼鐵

王宰制一劍橫陣萬夫莫前亞夫緩急之任繼父絳侯祭遵禦侮之才為吾子路

宋史范仲淹知慶州兼經畧招討使未幾賊兵三萬叩城仲淹麾兵戰賊奔北久之王師再喪於定川關輔人心動搖及見仲淹耀兵號令嚴明威震戎落人心遂安相賀曰邊上有龍圖公為長城吾屬何憂

防禦使

類聚唐武后聖曆元年以夏州領防禦使防禦使之名自此始開元二年薛訥為隴右防禦使天寶中安祿山犯順太郡要地當賊冲者置防禦守捉使代宗授田承嗣魏博等州都防禦使大率防禦隸所治州歲以八月考其治否以無虞為上考清苦

為中考政成為下考宋沿唐制置諸州防禦使元置諸州防禦使掌防制掌賊事

宋史楊旼字延昭為防禦使屢有邊功天下稱揚無敵夷虜皆畫其像而事之以禦鬼疾云

宣慰使

類聚宣慰使始於唐初元和置淄青兗豫等州宣撫使後始置宣慰使大率藩方不靖則遣重臣宣諭安慰之故有宣慰使之名宋置宣諭德音為職而已不與軍事無慰官大元沿唐制置宣慰使副使斷事司經歷知事等員 國朝於雲貴雜夷處立土官為宣慰使司置經歷從七品分理焉

唐書田弘正圖魏博相衛具澶之地籍其人以獻宣宗美其誠

詔充魏博節度使又遣裴度宣慰度明辨具陳朝廷厚意弘正
不覺自失廼深相結納奉上益謹復請度徧行其部宣示天子
恩詔魏人由是歡服

勸農使

類聚唐有覆田勸農使宋至道二年以大常博士陳靖為勸農
使景德三年詔諸道轉運使副使開封府知府及諸道知州刺
史少卿監以上兼并勸農使其餘知州知軍通判等並兼勸農
事天禧四年改諸路提點刑獄為勸農使副兼提檢刑獄公事
各賜農田勅一部元置勸農使副昭紀稻田使者燕倉如淳曰
特為諸稻田置使者收租入
唐書宇文融開元中為覆田勸農使乃奏慕容琦等二十九人
為勸農判官按州縣括正丘畝招徠戶口而分業之又兼租地

安輯戶口使於是諸道收沒戶八十萬田亦稱是歲終羨錢數

百萬緡宋天禧四年李昉請印四時纂
要齊民要術以付諸路勸農司

提舉

類聚提舉即漢耿壽昌常平之任也宋淳化中建常平倉景祐

元年令轉運司與長史舉所部官專領之然尤隸漕臣熙寧遣

使提領此蓋提舉常平之所始也熙寧七年又詔三司鹽鐵判

官李紀三司勾當公事蒲宗閔經畫川蜀買茶充秦鳳熙河路

博馬就除提舉成都府路買茶公事紀於秦州宗閔於成都置

司後改名都大提舉茶馬事宣和三年詔河北京東路推行新

法鈔鹽可添置提舉官一員此提舉茶鹽之所始也建炎五年

詔諸路提舉常平併入茶鹽司仍以提舉常平茶鹽司公事為

名九年置經制司改常平為經制某路幹辦常平等公事元於
鐵冶市舶倉場庫務鹽場茶場酒稅總稅務多置都提舉同提

舉副提舉等員 國朝置鹽課提舉司九茶馬提舉司三有正

從五 副從七 吏目 從九 之職焉

管子齊威公問何以為國管仲曰惟官山海可耳海王之國謹

正鹽策 姚穎制以幹蠶之才領鹽鹵之務管權條制動皆得宜

漢書武帝財用竭孔僅言山海天地之藏願募民因官作鬻鹽

官與牢盆注牢盆廩食也古名廩為牢盆煮鹽盆也又置均輸

鹽鐵官

張鷟集扶南襟種安西諸國跨險憑危梯山航海飛艎走浪望

鼠島而三休大舶參雲指麟州而一息為波象郡萬軸爭先烏

泔蠻脫干艘競進 顏延年詩航琛越海輦懸踰障市舶錄市舶者其利不貴金山珠海天子南庫也又海南

諸國雜貨所集雜蠻夷貨也八蠻之賚五天之珍每歲山積

唐書正元初趙贊興茶稅而張滂繼之長慶初王播又增其數

裴休立十二條之利

宋史熙寧十年李稷提舉成都府等路茶場熙河市易事手詔

曰川茶一司創置雖久未能就緒倘非得材智之人益以事權

無所成李稷風力固已可伏然權勢輕小可依李紀例兼三司

判官舉劾官吏

鮮于侁字子駿熙寧初范鎮舉所知除利漕兼提舉常平上曰

鮮于侁字子駿熙寧初范鎮舉所知除利漕兼提舉常平上曰

鮮于侁字子駿熙寧初范鎮舉所知除利漕兼提舉常平上曰

張丞相家傳張商英提舉京西南路常平等事公以說獻曰頁

壽者不死貞樂者不憂貞治者不亂其說以長久冲澹為主上
異其言召還上元豐聖德詩一百二十韻上曰卿不廢學如此

耶除館職龍溪制掌摘山煮海之利以佐國用皆有鈔法視其歲額之登損以詔賞罰其給之不如期鬻之不如式

與州縣之不加恤者皆効以聞慶元制度臺度政

仁宗實錄胡則字子正提舉江南路銀銅場鑄錢監得吏所匿

銅數萬斤吏懼且死則曰馬伏波哀重囚而縱亡之吾豈重貨

而輕數人之命止籍為羨餘

中興會要紹興二十一年李莊除福建提舉上曰提舉市舶司

委寄非輕若用非其人則措置失當海商不至矣莊可發來稟

議然後之任

國史劉季孫字景文監饒州酒稅王荆公為江東提刑處歷至

饒按酒務始至廳事見屏間有題小詩曰呢喃燕子語梁間底

事來驚夢裏閑說與傍人應不解杖藜携酒看芝山荆公問知

景文所作嘉嘆升車而去不復問務事月令仲冬之月兼用六物大酋監之無有差注

大酋酒官之長

郡守

考索郡守秦官并諸侯以其地為郡罷侯置一守分天下為三十

六郡郡置守尉監掌理其郡秩二千石守丞尉各一人守治民

丞佐之尉典兵漢景帝中元二年更名太守新室改曰大尹晉

郡守皆加將軍後魏初郡置三太守北齊制郡為上中下三等

後周郡太守各以戶多少定品命隋郡置通守唐武德改為州

刺史有上中下之別刺史加號持節天寶改為郡太守以近畿

為四輔餘為六雄十望十繫及上中下之差至德後州縣凋弊
 刺史之任大為精選諸州始各有兵鎮刺史皆加團練使其任
 重矣五代仍刺史之號宋祖開基召諸鎮會于京都賜第以留
 之分命朝臣出守列郡號權知軍州事軍謂兵州謂民政焉其
 後文武官參為知州軍事二品以上及帶中書樞密院宣徽使
 職事稱判及太宗掌總理郡政宣布條教導民以善而糾其奸
 慝歲時勸課農桑獄訟錢穀之事皆總焉乾道二年令不任守
 臣不為郎元置上路達魯花赤上路總管兼府尹正三品下路
 總管從三品上州達魯花赤上州尹從四品中州達魯花赤中
 州知州正五品下州達魯花赤下州知州從五品散府達魯花
 赤散府知府正四品又有諸州刺史從四品又置同知上下路

總管府事同知散府事同知上中下州事 國朝於省直設知

府正四品同知正五品通判正六品推官正七品其屬有經歷正八品知事

正九品照磨從九品檢校未入又置各州知州從五品有直隸者如

如壽泗州同品州判從七品吏目從九品之職

史記漢文帝初興郡守為銅虎符竹使符國家當發兵遣使者

至郡合符符合乃聽受之以代古之珪璋從簡易也景帝詔曰

吏者民之師也車駕衣服宜稱令長史二千石車朱兩幡又續

漢志二千石皆皂蓋朱轡

漢書宣帝拜刺史守相輒親見問觀其所由退而考察其行以

質其言嘗稱曰庶民所以安其田里而無嘆息怨恨之心者政

平訟理也與我共此者其惟良二千石乎以為太守吏民之本

數變易則下不安民知其將久不可欺罔乃服從其教化故二千石有治理輒以璽書勉勵增秩賜金或爵至關内侯公卿缺則選諸所表以次用之

又詔曰制詔御史以其賢良高第揚州刺史黃霸為潁川太守秩比二千石居

官賜高蓋車特高一丈別駕主簿車緹油屏泥於軾前以彰有德

循吏傳漢世良吏為盛若趙廣漢韓延壽尹翁歸嚴延壽張敞

之屬皆稱其位王成黃霸朱邑龔遂鄭弘召信臣等所居民富

所去見思生有榮號死有奉祀此廩廩庶幾德讓君子之遺風

矣後漢書謝夷吾為荊州刺史遷鉅鹿太守班固薦曰夷吾少膺需術爰收荊州尋功簡能為外臺之表聽聲察實為九伯

之冠遷守鉅鹿政合時雍

尹翁歸為東陽太守于定國欲屬託邑子兩人令坐後堂待見

定國與翁歸語終日不見其邑子既去定國謂邑子曰此賢將

汝不任事也又不可干以私

郡國志郭丹字少卿南陽穰人太守杜詩請為公曹丹薦鄉人

長者自代而去詩乃嘆曰昔明王興化卿士讓位今功曹稚賢

可謂至德勃以丹事編署黃堂以為後法註黃堂太守之廳事

吳郡平江太守所居之堂即春申君之子為假君之殿也因數

失火塗以雌黃故曰黃堂

漢書解詁太守專郡伸理庶績勸農賑貧決訟斷辟興利除害

後漢書寇恂字子翼為潁川太守徵為執金吾從上過潁川百

姓遮道願借寇恂一年上乃留拜之

侯霸守臨淮被徵百姓攀轅卧轎耿純守東都百姓

數千隨馬駕云欲復得耿君

漢制尚書令僕出為郡守郡守入為三公第五倫植虞鮑昱爰

延皆自郡守入拜三公

董策今云郡守縣令民之師帥所以承流而宣化也馬周傳古者郡守縣令皆

賢德由二千
入為宰相

後漢韓崇為汝南太守召見賜車馬束帛上勅崇曰汝南古腹

心之郡位次京師也文帝謂季布曰河東吾服膝郡故召君耳

董巴與服志九卿中二千石青綬二千石青綬千六百石黑

綬四百丞尉三百長相二百皆黃綬

世說漢龐仲達為漢陽太守郡人任棠有奇節隱居教授仲達

到先候之棠不交言但以薤一大本水一盂置戶屏前自抱孫

兒伏於戶下主簿白以為倨仲達思其微意良久曰棠是欲曉

太守水者欲吾清拔大本薤者欲吾擊強宗抱兒當戶欲開門

恤孤也馬援隴西太守但總大體諸曹白外事曰此掾史之任何足相煩若大姓優小民黠者欲旅距此乃太守事耳

晉書王濬為廣漢太守夜夢三刀懸於臥室梁上須臾又夢一

刀主簿李毅曰三刀為州字又益一刀者明府其臨益州乎果

然張亮武定初拜太中大夫薛淑常夢亮於山上掛絲以告亮曰古之字山上絲幽字也君其守幽州也

鄧攸為吳郡太守不受祿載米來食唯飲郡中水而已去郡數

千人挽船進不得公少停夜中遁去人歌曰統如打五更鷄鳴

天欲曙鄧侯挽不來謝令推不去

南史裴邃字深明為廣陵太守左遷始安太守邃志立功邊垂

不願閑遠乃致書於呂僧珍曰昔阮咸願延之有二始之嘆吾

才不逮古人今為三始非其願也將如之何後為竟陵太守開

置屯田公私便之顏延之字延年傳亮疾馬遷始安太守謝晦謂延之曰昔荀勗忌阮咸斥為始平郡今卿

始安可謂二始延年贈始平詩一麾乃出守

宋書張忠定公寢室中張燈炷香通夕宴坐郡樓更鼓番漏水

歷歷分明倘一刻差誤必詰之守籤者指名伏辜皆謂公曰神
明問李畋曰百姓果信我否對曰侍郎威信及民民皆信服公
曰前一任則未也此一任稍稍爾只此一箇信五年方得成
王十朋守泉初到任會七邑宰勸酒歷告以愛民之意出詩示
之云九重天子愛民深令尹宜懷惻隱心今日黃堂一杯酒使
君端為庶民斟樊子蓋為武威守煬帝曰人道公清定如此
不對曰臣安敢言清止是小心不敢納貽耳
真德秀再知泉州謝表韓定國起於徒中柳宗元用於貶所沒
齒飯蔬夫亦奚憾建牙作屏則匪所期敢圖阜蓋朱轡之華仍
泣紫帽清源之境 又知福州謝表先帝輟諸玉堂之廬俾
司漕計陛下滌其丹書之籍旋附藩條兩朝二紀之遭逢一節
四麾之赫奕重臨郡寄僅閱歲期冰蘗自將粗謹酌泉之誓爾

絲是戒少寬竭澤之嗟

吳永叔知隆興府謝表恭惟皇帝陛下數引公卿欲聞四方有
水旱盜賊之奏親問守相要使庶民無嘆息愁恨之聲豈因一
介臣之微輒冒二千石之寄臣所領州在大江南界荆楊域嚮
也物華民富今馬地大國貧網密而訟益繁珥筆之風未珥民
窮而盜滋起弄兵之習尤存臣已於十二月十八日到府上訖
謹宣鴻化式慰黔黎紫馬朱衣雖動千里湖山之色玉珂金鑰
尚思五更京闕之朝

洪邁到任表禁門直址久違龍尾之趨藩郡落南忽玷虎頭之
寄今所領州故為劇鎮地方千里接甌閩百越之區縣列十城
介谿谷萬山之阻人虛憍而尚氣俗嗜竄以難馴平時蒙珥筆

之聲曩歲蹈弄兵之釁皇風下暢既洗滌於三薰習氣相延殆漸摩而一變

潘子真詩話禮天子六馬左右驂三公九卿駟馬左驂漢制九

卿則二千石以右驂太守駟馬而已其有加秩中二千石者滿

也漢制秩二千石每歲一千四百四十石中二千石成數者二千

乃右驂故以五馬為太守稱遜齋閑覽與學林云漢時朝臣出使以駟馬為太

守增一馬故五馬漢書東方朔千騎長人注諸侯也後唐崔衍奏

取州庫右魚契合都送左魚納省武德元年鄆州領銅魚符記

至新書集飛輿上熊仗軾前早蓋分輝形耀彩退朝錄北都

邵守有過馬廳韓渥詩外使進鷹初得按中官過馬不教嘶注

云上乘馬必令中官為馭以進謂之過馬既乘之然後蹀躞嘶

鳴也唐時方鎮亦效之乃有此名

杜甫贈李勉清高金莖露正直朱絲絃昔在堯四岳今之黃穎

川秦觀與東坡詩十里荷花菡萏初我公所至

有西瀛欲將公事湖中了見說官閑事亦無

李白贈台守我家小阮賢剖竹赤城邊詩人多見重官燭未曾

然漢已祇刺揚州在官不迎妻不然官燭

類聚漢有丞相分遣刺史州不常置武帝元封五年初置部刺

史十三人秩六百石成帝安和元年更名牧哀帝建平六年復

為刺史後漢建武刺史十二人各主一州晉太康中都督知軍

事刺史治民隋皇罷郡以州統縣煬帝大業初罷州置郡郡太

守舊有兵處則刺史帶諸軍事以統之宋沿唐制置諸州刺史

元亦置諸州刺史從四品交廣紀秦兼天下改州牧為刺史朱明之時則出巡行封部玄

英之月則還詣天府表奏刺史言其刺舉不法者之使也

唐書太宗常曰朕惟治人之本莫重刺史故錄姓名於屏風興
卧對之得才否狀輒疏下方以擬廢置於是官得其人人民無愁
嘆始都督刺史皆臨軒用受後不復用然猶受命日對便殿賜
衣服乃遣

裴光庭典名藩有異政明皇謂宰輔曰光庭性逐惡如扇驅蚊

盧貞累任大郡治有異績人畏之如神凡治奸惡既斷其
罪又以其所犯刻石立門再犯必致之死籍謂之記惡碑

張九齡言六合之衆縣命於縣令宅生於刺史今京輔雄望之

郡猶少擇之江淮隴蜀三河大府之外由京官出者或身有累

或政無聞用牧守之任為斥逐之地或因附會以忝高位武夫

流外計資而得不計於材刺史乃爾縣令尚何言哉

李華杭州薛廳記唐虞之代四岳十二牧分掌諸侯宗周有方

伯連帥之職秦有監郡漢魏以還初曰部刺史後曰州牧近代

罷州牧復為郡太守太守刺史無恒其稱秩同九卿假以符節

雖親如魯衛貴若周召任功安人往往除拜天寶中朝廷以尚

書郎人物之高選二千石元元之性命始以省郎臨大部

元結道州刺史廳壁記天下太平方千里之內生植齒類刺史

能存亡休戚之天下兵興方千里之內能保黎庶能攘患難在

刺史耳凡刺史若無文武才畧若不清廉肅下若不明惠公直

則一州生類皆受其害

杜註元結春陵行天子分憂之地得結
輩十數公落落參錯天下為邦伯萬物

吐氣詩云觀乎春陵行歎見俊
哲情復見賊畏篇結也實國禎

郡國野談王愿唐王元之後三代為池州刺史有戟門子朱元

迎道左獻詩云昔日郎中今刺史朱元依舊守朱門今朝竹馬

兒童子盡是當時竹馬孫
五代史吳越僊鎮永嘉百姓悅慕及移姑蘇温人有携家屬以
從者謂之隨使戶

裴俠守河北日周太祖命獨立曰裴俠清慎奉公為天下最有
如俠者與之俱立衆默然朝野歎服號獨立使君

蜀構杭孟蜀左丞歐陽彬衡山人博學能文景以為嘉州刺史
喜曰青山綠水中為二千石作詩飲酒為風月主人豈不嘉哉

宋史曾宣靖公公亮字明仲知鄭州為政惠和而尤能鈎考情
偽禁戢奸盜郡多寇攘公至境悉竄他境路不拾遺外戶不閉

至號曾開門魏書王逸為光州刺史為政愛人廣設耳目時人謂有千里眼

憲章錄方克勤知濟寧州榜通衢諭上愛養元元之意民有

不平皆得踰府自言日引耆老端人訊以得失聘賢士為師選
補弟子員葺廟堂闢射圃日再視學親為正句讀較射禮屬縣
各立社學民懇廢田者閱三載乃稅丁產科徭均定等則凡有
役使務詢民便尤慎於庶獄月錄日省永嘉侯朱亮祖將舟師
數百艘北征河涸舟膠亮祖即趣五千夫浚河否則以軍法論
勤不忍煩民泣禱於天夜大雨數尺舟竟去

邵實知許州躬課農桑教養兼舉倣朱子社倉立積散法為備
荒計作興學校喻諸生義利之辨讀書為文之則正穎考叔祠
墓改魏文帝廟以祀漢愍帝立范忠宣公祠於襄城裴晉公祠
於鄆城毀龍骨杖妖巫而許之風化蔚然改觀久之遷秩士民
遮道號呼咸稱不忍父師之去立祠祀之

類聚秦置丞郡以佐守在邊為長史掌兵馬漢因之于定國條
 州大小為設治中別駕諸郡從事秩六百石晉因之而省郡丞
 宋梁以下如之至隋改別駕治中為長史司馬煬帝罷之而置
 郡贊治後又改為丞位在通守下至唐而郡丞廢矣武德元年
 改丞為別駕十年改雍州別駕曰長史以皇族為之開元始通
 用庶姓以貳都督刺史之職宋乾德初下湖南始置諸州通判
 命刑部郎中賈玘等充建隆四年詔知府公事並須長史通判
 簽議連書方許行下時大郡置兩員餘置一員元置總管府治
 中正五品

晉百官志郡丞視通直一梁冠阜衣銅印黃綬秩六百石

隋書張須陁為齊郡丞屬歲饑將開倉賑給官屬咸曰待詔救

不可擅與須陁曰吾若以此獲罪死無所恨先開而後上狀帝

知之而不責 敬肅字弘儉少以貞介知名歷長史司馬俱

有異績煬帝嗣位遷潁川郡丞大業五年朝東都帝令司隸大

夫薛道衡為天下郡官之狀道衡狀稱肅曰心如鐵石老而彌

篤柳儉弘化太守來朝煬帝問天下清名第一者蘇威以儉對

問其次以涿郡贊務郭絢潁川贊務敬肅對各賜絹令天下

朝集使送至郡 郵以旌異焉

世說玄宗嘗賜醕三日上御五鳳樓觀者喧溢樂不得奏金吾

白挺如雨不能遏止上患之高力士奏河南丞嚴安之為理嚴

為人所畏請使止之上從之安之至以手板繞塲畫地曰犯此

者死於是三日指其畫以相戒無敢犯者

職源王之倅車注倅乃副車今以通判為倅者周禮謂太守之

副別駕長史司馬通謂之上佐漢制別駕從事史一人從刺史行部別乘一乘傳車故謂之別駕

謝承書周景為豫州辟陳蕃為別駕不就景題別駕輿曰陳仲舉座也不復更辟蕃惶懼起視職

豫章烈士傳孔恂字巨卿新塗人也為別駕車前後舊有屏星

如刺史車曲翳儀式時刺史行部因怒命去之恂曰明使君撤去屏星毀國舊儀此不可行別駕可去屏星不可省即投傳而去

晉書王祥徐州別駕以股肱之忠糾合義眾州境獲寧人歌曰

海沂之康實賴王祥邦國不空別駕之功後漢任文公為治中從事時天大旱白刺

史曰五月一日當有大水宜令民預為備刺史不聽文公自貯大舟百姓或聞亦有為防者到其日旱烈文公急命促載使白

刺史刺史笑之曰中天北雲起須臾大雨至晴時滿湧十餘丈漂壞屋舍所害數千人文公遂以古術馳名顧和字君孝總角知名族人顧榮雅相器愛曰此吾家之驥驥也必振衰族時宗人顧球為揚州別駕顧榮謂球曰卿遠步君孝如是超卿矣

通典武帝詔州郡佐史自別駕長史以下皆刺史太守自辟大曆制刺史有故及闕本道使不得差攝俱令上佐知州事

杜牧制半刺上佐得與二千石參校政事短長利病者也吳蒂送何倅半刺豈能淹驥足一封行下見龍墀杜半刺已勦荆李白送弟鄱陽司馬朱紱白銀章上官佐鄱陽晁無咎賀子瞻天教仁

政滿東南青袍門人老州佐

續通典唐以堂吏朱儉廉為華州別駕給事中蕭倣駁曰別駕古為治中從事秩六百石與刺史別乘同宣教化任居刺史之

半豈宜以人吏兼副政之名

漢儀治中從事史一人居中治事主衆曹文書漢制也司隸功

曹從事即治中也諸葛稱龐統曰士元非百里之才使處治中別駕之任始當展其驥足耳

益部耆舊傳柳宗字伯騫爲治中與人交結久而益親其所拔

進皆世所稱致位牧守鄉里爲之語曰得黃金一笥不如柳伯

騫所識

續晉陽秋車胤字武子風姿美劭機悟敏率桓温在荊州取爲

從事一歲至治中胤既博學多聞又善於激賞當時每有盛坐

胤必同之皆云無車公不樂太傅謝公遊集之日開筵以待之

習鑿齒少博涉才情透逸桓温奇之自州從事歲中三轉至治

中鑿齒史才不常温器之未三十用爲荊州治中謝朓曰不遇

明公荊州老從事耳

世說謝奕字無奕桓温辟爲司馬奕既上猶推布衣交在温坐

岸憤嘯詠無異常日宣武每曰我方外司馬

白居易司馬廳記江州左匡廬右江湖土高氣清富有佳境刺

史守土臣不可遠觀遊群吏執事官不敢自暇伏惟司馬綽綽

可從容於山水詩酒間由是郡南樓山北樓水滄盆百花亭風

篁石巖瀑布廬宮源潭洞東西二林寺泉石松雪司馬盡有之

矣苟有志於吏隱者捨此官何求焉按唐六典上州司馬秩五

品歲廩數百石月俸六七萬官足以亢身食足以給家州民康

非司馬功郡政壞非司馬罪無言責無事憂噫爲國謀則尸素

之尤蠹者爲身謀則祿仕之優穩者

周必大吉州通判廳記郡丞秦官惟掌兵馬自漢迄唐其名不常曰別駕曰司馬曰治中曰長史雖均號上佐其實從事之長耳故緹油屏軾下與主簿同賜而州牧或得辟置間以處任子及近臣之左降若起廢者於其政事嘗與聞邦國不空之誣宜其寥寥也

宋史始置諸州通判既非官屬故嘗與知州爭權每云我是監郡有錢昆少卿家世杭人也嗜蟹常求補外郡人問所欲何郡

昆曰但得有螃蟹無通判處可矣

世說孔思遠為後軍府長史雖醉日居多而曉明政理醒

時判決未嘗有壅衆曰孔公一月二十九日醉勝世人廿九醒

言行錄呂許公通判濱州人稱其材王文正公謂王沂公曰此人異日與舍人對秉鈞軸沂公曰何以得之曰以其奏請知之

如不稅農具數事卒與沂公並相

孔休源為晉安王長史休源累姓名藩甚得民譽王深相

倚伏常於齋中別施一榻云此是孔長史坐

自警編胡宿通判宣州有被誣以殺人者獄成議法將抵死公

疑之呼囚以訊囚憚箠楚不敢言公正衣冠坐堂上思之俄而

假寐夢有人來告曰吳姓也公遽引囚辟左右復訊之囚曰且

將之田縣吏執以赴官不知其由也公取獄辭窮治乃被歐之

婦與吳姓姦姦者殺其夫與婦謀執平人以告也公以精誠格

物如此

中興會要知成都席益奏州郡置倅所以佐郡守之治入則貳

政出則按縣

仁宗實錄王質字子野通判蘇與知州黃宗旦數爭事宗旦曰

少年敢與文人抗耶質曰受命佐公事有當爭職也嘗以病在告一日宗旦省視因言獄有盜鑄錢百餘人吾以術陰鉤得之質曰弋不射宿惡陰於中物也今殺數人而徒流者又數十百

人公中之也宗旦大驚為貸其死罪而餘悉輕出之高宗日曆常同劾陸

實疏云寘乃內侍王通之客為明州通判避通名改稱府判今浙東州軍有呼通判為府判自寘始也

揮塵錄唐文皇聚一時名流天策府始有十八學士之號後來

凡居館殿者皆稱之國朝任於外非兩制則雖帥守監司止稱

寄祿官惟通判多從館中帶職出補如蔡君謨湖州歐陽文忠

滑州王荆公舒州東坡杭州劉貢父赴秦倅詩云殿門金闕倚

天開五見宮花落早梅明日扁舟滄海去却尋雲氣望蓬萊蓋

在道山五載然後得之學士之稱施于外者惟通判而然今外

庭過呼大可笑也

類聚唐天寶有判官之名後唐長興二年詔有兩使判官防圍

推官軍事判官等是時判官多本州自辟舉清泰中始擇朝士

為之宋朝沿五代之制兩使置判推官各一人元祐令京府判

官至軍監判官皆為幕職

唐書崔造永泰中與韓會盧東美張正則三人友善居上元好

言當世事皆自謂王佐才故號四夔浙西觀察李棲楚辟為判

官徐堅聖曆中東都晉守揚再思引為判官屬文典厚再思每目為鳳閣舍人樣

鄭從謹字正求為河東節度表王調劉崇龜趙崇李渥崔澤等

為判官書記支使皆一時選京州士人比太原為小朝廷得才

多也會要書記支使自魏以來有其名宋太平興國詔諸節度凡書記支使不得並置有出身曰書記無出身曰支使位

在判官下
推官上

周必大筠州判官廳記國家以民之休戚政之臧否寄二千石其設官有亞有旅亞者倅也位逼未免於嫌意不盡者多矣椽曹旅也分職以治各司其局而已若乃事無不預而非逼職未嘗分而情通惟幕職為然

杜甫送李判官燕臺上客意何如又才美膺推薦君行佐紀綱送常評事充判官子雖軀幹小老氣橫九州

類聚宋從五代之制兩使置判官推官各一人餘州亦置推官一人大元亦置推官

唐書韓退之知武寧張建封為推官操行堅正鯁言無所忌傑孫兼謨元和未解褐襄陽推官言行剛直使府知名

聞見錄呂文穆公既致政居洛真宗祀汾陰幸其宅問曰卿諸

子孰可用對曰有姪夷簡任潁州推官宰相才也遂至大用胡氏家傳忠獻王琦徙開封府推官理事不倦暑月汗流浹背

府尹王博文大器重之曰此人要路在前治民如此真宰相器也宋范如奎授武安軍節度推官始至將帥將斬人謂已署公也曰節下柰何重易一字輕數人之命徐祺以推官上治兵策對除太子中允劉贄以推官韓琦薦除御史裏行

宋史蘇頌字子容為南京留守推官歐陽公一以府政委之曰

子容處事精密一經閱覽則某不復省矣

戴石屏上蕭節推詩掇取高科如拾芥愛君才調望君深莫誇

書判居蓮地要把文章入禁林南史王儉以庾果之為長史蕭緬與儉書盛府元僚實難其選

庾景行泛綠水芙蓉何其麗也時以儉府為蓮花池宋晏元獻延賓客一時名士多出其門為西京留守幕下士王琪張元鼠

爲上

集卷七

類聚後漢有郡主簿官晉爲督郵皆太守自辟掌總錄衆曹文簿舉彈善惡其後刺史有軍而開府者並置之隋初以錄事參軍爲郡官則并州郡主簿之職皆吏部選除煬帝置郡有東西曹掾及主簿唐武德復爲錄事開元改司錄參軍五代中下州錄事三考者注劇縣宋沿唐制州有錄事參軍然不盡置也諸府爲司隸諸州爲錄事乾興元年丁度中請諸州始各置錄事參軍元各路置錄事司有諸錄事司達魯花赤并錄事正八品錄事判官正九品

吳錄孫郡北海人爲孔融功曹融曰廊廟才也後爲吳丞相歷果綿遂懷四州刺史嘗謂錄事參軍任紹業曰子紀綱一州能勅刺中手紹業出條所失示之驚曰能知吾失御史才也

晉書羅含字君章太守謝仁祖一見稱爲湘中之琅琊自江下

從事轉主簿六帖糾繩太郡管轄外臺置標府掾任重功曹前非三語之才則忝六縣之首常集宜列府縣之職

唐書裴琰之爲司戶參軍凡舊事未決命書吏數人連紙數幅須臾判斷並畢時號霹靂手

東坡集張乖崖在蜀有錄事參軍老病廢事公責之曰胡不歸明日參軍求去且以詩留別曰秋光却似宦情薄山色不如歸興濃驚謝之曰吾過矣同寮有詩人而吾不知因留而薦之

言行錄杜祁公知永興軍辟孫甫之翰司錄事一以委之孫歎曰待我以此可以去矣祁公爲謝之乃從容陳當世之務祁曰喜得友矣

集卷七

七

子

陳章甫糾曹廳壁記漢官儀郡主簿秩四百石綱紀一郡糾整不法岳牧無政蒼生有瘼則天子責我汙吏浸人奸聲載路則使臣責我吏不述職曹有留事則千二石責我役奪人時官有虐典則黎元怨我由此觀之錄事參軍待責之府所以天官署吏獨難其人

縣令

類聚周制四百里為縣官有縣正各掌其縣之政令而賞罰之春秋千里有縣縣有四郡時縣大而郡小上大夫受縣下大夫受郡縣邑之長曰宰曰尹曰公曰大夫戰國以來郡大而縣小秦有縣令長漢因之凡掌治其縣萬戶以上為令減萬戶為長侯國為相秩亦如之凡縣道國邑千五百八十七

列侯所食縣為國皇太后

皇后公主所食曰邑有蠻夷曰道

漢每縣邑道大者置令一人千石其次置長

四百石小者置長三百石侯國之相秩次亦如之凡縣有蠻夷曰道公主所食湯沐曰國縣萬戶以上為令不滿為長侯國為

相皆秦制也凡掌治民顯善勸義察奸罰惡理訟平賦恤民時

務秋冬集課計上於所屬郡國晉制大縣令有治績官報以大

郡不經宰縣不得入為臺郎宋諸縣署令銅印墨綬進賢兩梁

冠自晉宋以後令長國相皆如漢制北齊制上中下九等唐制

縣有六等之差

赤畿望緊上中下京都所治為赤縣旁縣邑為畿縣其餘則以戶口多少地美惡為差

凡

一千三百七十三縣縣丞為之貳宋建隆元年天下諸縣除赤

畿外有望緊上中下掌總治民政勸課農桑凡戶口賦役錢穀

賑給出納之事皆掌之有孝弟行義聞于鄉閭者中州激勸以

勵風俗有戍兵則蕪兵馬都監或押衙三年始以朝臣為知縣
 其間復參用京官或幕職為之政和二年詔縣令以十二事勸
 課農桑元以縣分上中下三等每縣各有達魯花赤掌縣之印
 以知縣為縣尹掌判署事又有赤縣達魯花赤赤縣尹 國朝
 於兩畿置京知縣正六品其丞簿比外各加一品外各省置知縣
正七品有縣丞正八品主簿正九品典史未入之職
 用府元龜魯謂之宰仲尼為中都宰是也齊謂之大夫齊威王
 封即墨大夫烹阿大夫是也楚謂之尹沈尹戌為方城之外縣
 尹是也亦謂之公葉公諸梁是也

左傳鄭子皮欲使尹何為邑子產曰少未知可否子皮曰愿吾
 愛之使往而學焉子產曰吾子愛人則以政猶未能操刀而使
 割也其傷實多子有美錦不使人學製焉大官大邑身之所庇
 而使學者製之其為美錦不亦多乎

家語孔子謂宓子賤曰子治單父眾悅子何施而得之也對曰
 不齊之治也父恤其子其子恤諸孤而哀喪紀孔子曰善小節
 也小民附矣猶未足也曰不齊所父事者三人所兄事者五人
 所友事者十一人孔子曰父事三人可以教孝矣兄事五人可
 以教悌矣友事十一人可以舉善矣中節也中人附矣猶未足
 也曰此地民有賢於不齊者五人不齊事之而稟度焉皆教不
 齊所以治之道孔子歎曰其大者乃於此乎有矣昔堯舜聽天
 下務求賢以自輔夫賢者百福之宗也神明之主也惜乎不齊
 之所以治者小也

子路治蒲三年孔子入其境曰善哉恭敬以信矣入其邑曰忠信以寬矣至其庭曰明察以斷矣

子路治蒲對孔子曰邑多壯士又難治也子曰恭而敬可以攝

勇寬而正可以懷強愛而恕可以容困溫而斷可以抑奸則政

不難矣董安于治晉陽問政于蹇老答曰曰忠曰信曰

敢子曰何謂也曰忠於上信于令敢於不善人呂氏春秋宓子賤為單父宰適于陽晝曰予亦有以送子夫投

綸錯餌迎而吸之者陽鱈也其為魚薄而不美若存若亡若食

若不食者魴也其為魚也博而厚味子賤曰善於是未至單父

寇蓋迎之者交接於道子賤曰車驅之夫陽晝之所謂陽鱈者

至矣於是至單父請其耆老尊者而與之共治單父文粹賈至

頌鳴琴湯湯嚶子之堂清靜無為邑人以康澆風化淳霸俗致

王誰謂陽鱈革而為魴鱸鱒黃髮或師或友茫茫麥苗不糧不

秀齊師已郛魯俗斯阜韓詩外傳子賤治單父彈鳴琴身不下堂而單父治巫馬期以

星出以星入日夜不處以身親之而單父亦治巫馬期於子

賤子賤曰我任人子任力任人者佚任力者勞人謂子賤則君

子矣賢矣編當官既自廉潔又須防閑小人如文字歷引之類

皆須明白以防中傷前人常言吏人不怕嚴則怕讀蓋當

官者詳讀公案別情說苑孔子弟子有孔蔑者與宓子賤皆仕孔子過孔蔑問之曰

自子之仕者何得何亡孔蔑曰自吾仕者未有所得而所亡者

三王事若襲學焉得習以是學不得明也奉祿必鬻鬻不足及

親戚親戚益疎矣公事多急不得弔死視病是以朋友益疎矣

復往見子賤曰自子之仕何得何亡子賤曰自吾之仕未有所

得

亡而所得者三始誦之文今履而行之是學自益明也奉祿雖少嚮鬻得及親戚是以親戚益親也公事雖勞夜勤弔死視病是以朋友益親也

新序子奇年十八齊君使之治阿既行矣悔之使使追之曰未至阿及之還之已至勿還也使及之而不還君問其故對曰臣見所與共載者白首也夫以老者之智以少者之決必能治阿矣是以不還至阿鑄其庫兵以為農耕器出倉廩以賑貧窮阿縣大化

古文苑孫叔敖碑優孟歌曰貪吏不可為而可為廉吏可為而不可為貪吏而不可為者當時有污名而可為者子孫以家成廉吏而可為者當時有清名而不可為者子孫困窮被褐而負

薪貪吏常苦富廉吏常苦貧

談苑有人問秀州崇德縣民長富清否答曰漿水色言不清不濁也

史記子產治鄭民不能欺子賤治單父民不忍欺西門豹為鄴令民不敢欺三子之才孰最賢哉

前百官表縣令長皆秦官掌治其縣萬戶以上為令皆銀印青

綬秩比六百石以下皆銅印墨綬

六帖一同布政百里宣風谷東阿王書地方一同雷震百

里白集今之邑令古之男也

漢官儀明帝臨觀見洛陽令車騎意河南尹及至而非尤其太盛勅去軒綬時偃師長治有能名以事詣臺因取賜之下縣遂為故事

元和二年詔曰安靜之吏悃悃無華日計不足月計有餘如襄城令劉方吏人同聲謂之不煩雖未有他異斯亦殆近之矣

後漢書仇覽為蒲亭長勸人生業農畢乃令子弟群居就學輕
恣者役以田桑期年稱大化覽初到有陳元與母居告元不孝
覽曰吾近觀元井落整頓耕耘以時此非惡人也是仇覽未至
耳乃親到元家與母子飲因陳人倫孝行元卒成孝子鄉邑諺
曰父母何在在我庭化我鴟梟哺所生唐高景駿為貴鄉令有
母子相訟者景駿曰令
少不天常自痛爾幸有親而忘孝耶教之不孚令之罪也嗚
咽流涕付授孝經使習大義於是子母感悟請自新為孝子
循吏傳潁川四長茲以仁信篤誠使人不欺謂荀淑為當塗長
韓韶為羸長陳寔為太丘長鍾浩為林慮長淑等皆潁川人也
宋書顧凱之為山陰令邑三百戶凱之御繁以約晝日垂簾門
堦閑寂自宋世為山陰務簡而事理莫能尚也
齊書山陰東土大縣難為長官傳僧祐在縣有稱子琰為武東

令還山陰令二縣皆謂之傳聖父子並著奇績時云諸傳有治
縣譜子孫相傳不以示人時劉玄明亦有吏能歷山陰令政常
為天下第一琰子翽代玄明為山陰問玄明答曰我有奇術鄉
家譜所不載臨別當相示既曰作縣令唯日食一升飯而莫飲
酒此第一策也

梁書樂法才為建康令不受俸秩比去將至百金縣曹啓輸臺
庫武帝嘉其清白曰居職若斯可謂百城表矣漢胡紹為河內
懷令三日一視
事十日一詣倉受俸米於閣外炊作乾
飯食之不設斧竈政清教平為三河表

世說楊德幹為萬年令高宗朝有宦官恃寵放鷄不避人禾稼
德幹杖之二十悉拔去鷄頭宦者涕泣袒背以示帝帝曰情知
此漢儻何須犯他百姓異苑萬亮為永康令嚴刻人憚之乃以
桃木刻作亮身燒柴煮湯火熾桃人自

唐書開元初常濟調郵城令既衆謝有詔問所以安人者對凡

二百人惟濟居第一不能對者免官

梁武帝每選良吏務簡廉平皆召對于前親勉政道

著令小縣有能遷為大縣令大縣有能遷為二千石為吏者往往承風斯亦近代獎勸之方也

常景駿神龍中為肥鄉令縣界漳水連年泛溢景駿審其地勢

增築隄防遂無水患開元中為貴鄉令遷趙州長史路由肥鄉

人吏驚喜競來犒餞留連彌日有童幼數人年甫十歲亦在其

中景駿謂之曰計吾北去此時汝輩未生既無舊恩何慙慙之

甚也咸對曰北聞長宿傳說縣中解宇學堂館舍堤橋竝是明

公遺跡將謂古人不意得瞻覩不覺欣戀倍於常也

李元紘開元初為好時令賦役平允不嚴而治大有政聲遷潤

州司馬癸離百里士民號泣遮路烏鵲之類飛擁行車有詔褒

美之

李杲為洛陽令嚴毅公正縣務清簡有進士劉兼過其境外聞

戶外相語聲曰李令今古正人也見其行事令人破膽可於他

邑求血食也蕪啓門視之寂無影響方知乃邑之妖神也兼遂

書贊一首於村邸之壁云狡吏畏威縣妖破膽好錄政聲聞於

御覽

蔣欽緒子況乾元中歷陸渾監屋咸陽高陵四令美政流行長

老紀馬郭子儀軍出縣救麾下曰蔣令賢令也供億當有數士

得蔬飯足矣母撓其清

石漬子吏治篇曰財之於人者猶臍之於物也一汗而不可滌者也况我取一

也下取百矣我取十也下取千矣故我以之適口也而民以之浚血也我以之華體也而民以之剥膚也我以之克橐也而民

之以券田廬也我以之納交也而民以之鬻妻子也以此思清清其有不至乎

馮元叔歷浚儀始平二縣單騎赴職未嘗以妻子之官所乘馬

不與芻豆令作齋馬

吳靖為長沙令一日自嘆曰讀五車書辛苦十年不得綴鴛鴦之班髮白蹤跡飄零

尚為百里陶元亮何人耶

李白去思碑李錫字元勳為虞城宰官宅舊井水清而味苦公

下車嘗之莞爾而笑曰我苦且清足以符吾志也遂汲不改變

為甘泉蠡丘館東有三柳馬公往來憇之飲水則去行路勿剪

比于甘棠

九國志閩賈郁性峭直不容人吏文過時為仙遊令及受代有

一吏酗酒郁怒曰吾當再典此邑以懲汝輩吏揚言公欲再作

縣令猶造鐵船渡海也復典舊邑時醉吏為庫吏不數月盜官

錢數萬下獄具伏郁批前牘尾曰竊銅錘以潤家非因鼓鑄造

鐵船而渡海不假鑪錘因決杖徙之未幾移治福清召為御史

中丞

宋晝文潞公為榆次令嘗題縣鼓樓曰置向譙樓一任搨搨多

搨少不知他如今幸有黃紬被拿出頭來放早衙

太祖謂一縣令曰切勿於

黃被裏放衙

魏野詩憂民如有病見客似無官韓駒父詩縣古槐根老官清

馬骨高

古詩雨後有人耕綠野月明無犬吠花村

類聚秦制萬戶以上為令減萬戶為長皆有丞尉漢縣丞尉多

以本部人為之三輔縣則兼用他郡諸縣皆有主刑獄囚徒唐

置京縣丞三員北京大原晉陽各置一人高宗始為品官吏部

選授為縣令之貳宋不置丞天聖中因蘇耆請開封兩縣始各置丞一員在簿尉之上仍於有出身幕職令錄內選充崇寧二年宰臣蔡京請縣並置丞一員以掌其事元上縣有縣尹縣丞中下縣則不置丞

漢景帝紀縣丞長吏也百官表縣百里以上為令皆有丞尉秩四百石至二百石是為長吏

後漢書張玄字君夏遷陳倉縣丞清淨無欲專心經書時扶風徐業亦大儒也聞玄諸生試引見之與語大驚曰今日相遭真解蒙矣遂請上堂難問極日

唐書陸景倩為扶溝丞河南按察使畢構覆州縣殿最欲必得實有吏言狀曰某疆清某詐清惟景倩曰真清終監察御史

昂集獨孤君上逼宰君下雜羣尉文墨教令不專在躬然力行務仁推誠愛物謳吟者不歌其宰頌議者必歸於丞

王義方坐與張亮交通貶為儋州吉安丞行至海內舟人將酒以脯致祭義方曰黍稷非馨馨在明德酌水而祭時當盛夏風濤蒸毒既而開霽南渡吉安蠻俗方梗義方召諸首領集生徒

親為講經行釋奠禮清歌吹籥而登降有序蠻酋大服唐宗安恭為龍

門丞年已五十數年而登列岳每謂寮屬曰公輩但守清白何憂不遷語云雙陸無休勢余以為仕宦亦無休勢各勉之

通典縣有七司丞為副貳如州上佐六帖佐理一同貳職百里百官志丞署文書典知倉

獄張鷟云九千里之丹鳳自下升高七十日之黃龍從微至著注宋玉曰鳳凰上擊九千里翱翔乎窈冥之上潘籬之鷦豈得料其高哉士亦然矣相書占氣要曰日中有黃氣如龍七十日

遷為丞也

韓愈藍田縣丞廳壁記丞之職所以貳令於一邑無所不當問其下主簿尉主簿尉乃有分職丞位高而偏例以嫌不可否事文書行吏抱成案詣丞卷其前鉗以左手右手摘紙尾鴈鶩行以進平立睨丞曰當署丞涉筆占位署唯謹日吏問可不可吏曰得則退不敢畧省漫不知何事官雖尊力勢反出主簿尉下効數慢必曰丞至以相訾警丞之設豈端使然哉博陵崔斯立種學績文以蓄其有弘涵演迤日大以肆元和初為丞邑始至喟然曰官無卑顧材不足塞職既噤不得施用又謂曰丞哉丞哉余不負丞而丞喜負余庭有老槐四行南墻鉅竹千挺儼立若相持水灑灑循除鳴斯立痛掃漑對樹二松日哦其間問者輒對曰余方有公事子姑去

南部新書張子雨為下邳令張晴為縣丞二人俱有聲氣而善言語會論事移時人吏竊相謂曰縣官甚不和長官稱雨贊府道晴終日如此非不和乎

類聚主簿漢晉有之自漢以來皆令長自調用至隋始置之唐主簿上轄赤縣置二人他縣一人武德初以流外為之高宗始以為品官吏部選授掌付事勾稽省署抄目糾正縣內非違宋開寶三年詔諸縣千戶以上置令簿尉四百戶以上置令尉令知主簿事四百戶以下置簿尉主簿兼知縣事元各縣皆置主簿一人

帝昭辨釋名簿普也關普諸事也簿書必有長者錄書總領之

後漢書仇覽字季智一名香考城令王渙署為主簿謂覽曰主簿聞陳元之過不罪而化之得無少鷹鷂之志耶覽曰以為鷹

鷓不若鸞鳳渙謝遣曰枳棘非鸞鳳所棲百里豈大賢之路今日大學度長裾飛名譽皆主簿後耳以一月俸為資勉入大學其名大振

六帖鳳棲之位鴻漸之資職司符印主掌簿書又俾之糾邑山谷詩官棲仇覽棘才拍翰林育

晉書謝景仁為豫州主簿在桓元閣下元聞其善彈箏呼之既至取箏與彈因歌秋風意氣甚適以此大奇之

王恂為桓溫主簿人曰短主簿

能令公喜能令公怒

習鑿齒桓溫辟西曹主簿為親密時語曰徒二十年看儒書不如一詣習主簿

唐書楊於陵釋褐為句容主簿時韓滉節制金陵於陵以屬吏謁謝滉甚奇之謂其妻柳氏曰夫人嘗覓佳婿吾閱人多矣無如楊主簿竟以女妻之後遷為吏部尚書

張豕登科為華陰主簿為守令所抑歎曰丈夫有凌雲蓋世之志而拘於下位若立身矮屋之下使人擡頭不得乃棄官而去蘇弁為奉天主簿朱泚之亂德宗倉卒出幸縣令社正元上府計事聞大駕至官吏惶恐皆欲奔竄山谷弁諭之曰君上避狄臣下當伏難死節昔肅宗幸靈武至新平安定二太守皆潛遁帝命斬之以殉諸君知其事乎衆心乃安及車駕至迎扈儲峙無闕德宗嘉之就加試大理司直

外史擣杓王建僭蜀李景上封事以為眉山主簿制曰旌其忠蓋之心委以髯鬚之職注崔豹古今注羊名髯鬚主簿

揮犀杜甫贈高適詩云脫身簿尉中始與捶楚辭韓愈贈張工曹詩云判司卑官不堪說未免捶楚塵埃間杜牧寄小姪阿宜

詩云參軍與簿尉塵土驚羞勦一語不中治鞭捶身滿瘡以此明唐之參軍簿尉有過則受笞杖之刑猶今之胥吏也

淵源錄朱光庭調萬年主簿邑人謂之明鏡時程伯淳主鄆縣簿張山甫主武功簿與公皆以才名稱關中號為三傑

宋書葉正簡公顥調黃州南海主簿府帥待制曾開告其子連曰葉主簿宰相器也汝往見之因倡諸部使者薦于朝

陳襄主建州之浦城簿會邑闕令公獨當縣事每聽訟必使數人環列於前私謁者無所發由是邑人知公之不可干老姦宿賊縮首喪氣民畏且愛圖公之像以事之

言行錄程明道任鄆縣簿令以其年少未知之民有借其兄宅以居者發地中藏錢兄之子訴曰父所藏也令曰此無證佐何以決之明道問曰爾父藏錢幾何時曰四十年矣彼宅居幾何年曰二十年矣即遣吏取錢十千視之謂借宅者曰今官所鑄錢不五六年即遍天下此錢皆爾未藏前數十年所鑄何也其訴遂服令奇之

類聚漢大縣兩尉小縣一人長安有四尉分為左右部城東南置廣部尉是為左部城西北置明部尉是為右部並四百石黃綬大冠主追捕盜賊伺察奸邪六朝諸縣道尉銅印黃綬朝服武冠隋改為政後置尉又分為戶曹法曹唐因隋制五代久廢而盜賊闖競則屬鎮將宋建隆三年始每縣復置縣一員在主簿之下俸賜與主簿同其鎮將只許勾當鎮下煙火爭競公事元置尉一員在主簿之下不署縣事專掌捕盜賊及煙火爭競

公事

魏志曹瞞除洛陽北部尉初入尉解繕治四門造五色棒懸左

右各十枚有犯禁者不避豪強皆棒殺之京師歛迹莫有犯者

世說司馬防嘗舉曹公為北部尉后曹進爵為王召防至鄴與歡飲曰孤今日可復作尉否曰昔舉大王時適可作尉耳

唐書婁師德補江都尉揚州長史盧承業奇其才嘗謂之曰吾

子有台輔器當以子孫相諉豈可以官屬常禮待之

白居易調盩厔尉為集賢校理月中召入為翰林學士

李程為藍田尉有滯獄十年程單言輒判京兆狀最速監察御史

盧坦為河南尉時杜黃裳為尹坦立堂下曰某家子與惡人游

破產盡察之坦曰凡居官廉雖大臣無厚蓄其能積財者必剥

下以致之如子孫能守是天富不道之家不如恣其不道以歸

人黃裳驚其言自是遇加厚

魏奉古授雍丘尉嘗九日公燕有客草序五百言奉古言此舊文援

籍列疏之草序者默然自失列座撫掌奉古徐笑曰適覽記之非舊習也由是知名時挺蒞汴州召奉古前曰此聰明尉耶他

日持麈目令示奉古一覽便調千餘言挺驚起曰仕宦且四十年未嘗見此

唐富嘉謨轉晉陽尉與新安吳少微友善同官魏谷倚為太原

主簿皆以文辭著名時人謂之北京三傑

語林商則任廩丘尉為性廉謹縣令丞多貪濁因宴會次第舞

令丞舞訖勸則則把手回身而已令問其故則曰長官動手贊

府亦動手唯有一箇更動手百姓何容活耶人皆大笑嘲曰令

丞俱動手縣尉祇回身

吳中紀聞劉綺莊唐崑山尉研窮今古博習傳記作集類百卷

行於世名崑山編朱履霜則天朝補山陰尉後為姑蔑令著憲問五卷

歐陽詹記說文曰尉畏也亦慰也主也故字從尸示寸寸量禮度以敬上示陳教令以諭下尸典職司以居位敬上所謂畏諭下所謂慰居位所謂主

漢尉仲子進南海香物拜為洛陽尉時謂之香尉

封氏見聞錄嚴安之崔譚俱為赤尉力行猛政譚恐安之名出已右每事欲先之安之使五伯執大杖引前譚則益麓其杖安之越麓譚亦轉麓之如此太如椽力不能舉安之遂令執小杖譚亦益細其杖安之越細譚亦轉細之如此至杖大如筋不能用安之患其壓已遂都去其杖使五伯空手而行譚果不能學隋筆唐人呼縣令為明府丞為贊府尉為少府李白有餞陽曲王贊公賈少公石艾尹少公序蓋陽曲丞石艾尉也

杜詩有野望因過常少仙一篇落盡高天日幽人未遣還蜀士

注曰少仙應是言縣尉也

今銓法以處試吏者從事鞞馬以所陌餞迎貴臣歛板揖於路左類此

麓官目之

神宗實錄胡宿字武平為真州揚子縣尉大水漂溺居民令不能救宿率公私舟活數千人以張士遜薦召試為館閣校理

尉馮謙後自謂清水見底明鏡照心

紹興正論汪涓字養源尉宣城秩垂滿闕令職狀一紙知州秦梓意其必求即薦之涓終不屈或問何不從內翰求文字陞陟曰若為所薦則終身為秦客矣涓不辭再為判司一任

玫瑰集楊王休字子美調台州黃巖尉邑有豪民武斷一方具得其奸狀白於郡黥隸它州閭里歡傳稱公為鐵面少府張景河南縣尉廳壁記縣尉能禦盜而不能使民不為盜上失

其平下苦其情弱者困死强者偷生盜之常也豈樂盜哉若夫平聞訟懼兇狡惟盜是禦者尉之職也苟失其人則貪殘誣枉民不勝弊反甚於盜焉

劉漫塘金壇尉題名令尉秦官至于今不廢令所以字民尉所以安民職有繁簡重輕等也自漢梅子真由南昌尉棄官好事者疑其仙去相承以仙名尉尉亦聞風緬想以不事事為高余切陋之按漢書子真為尉後乃棄官初非不屑其職繼又三上書議切時政亦非恣然忘世者末年引去盖有為為之顧指為仙已不足以知子真豈真知為尉者哉

遜齊閑覽今人號縣令為字民簿為仇覽尉為梅福有王伉者頑鄙為尉氏尉呼令為薛家或譴之曰君知字覽之義乎縣令必須識字故謂之字簿與令同覽詞狀者也故謂之覽伉曰然則尉何以為梅福曰職任雄緊一枚有福人也如足下可謂王福矣伉嘗為富家主藏故以此譏之

楊廷秀送張元直尉鹽官二首壁水寒壘客春闈擢桂郎折腰端小耐整翮未須忙德進官無小詩癯譽更香會看兩鷓鴣飛下蓼灘傍 溧水孟東野南昌梅子真平生一少府千載兩高人

儒教

類聚漢郡國有文學文翁治蜀起學成都市招下縣子弟以為學官弟子武帝時天下郡國皆立學校官自文翁為之始平帝時郡國曰學縣道邑侯國曰校校學置經師一人鄉曰庠聚曰

序序庠置孝經師一人魏晉以下郡國並有文學即博士助教之任隋潘徽為州博士唐府郡置經學士各一人掌以五經教授開元二十六年敕州縣每鄉之內各置一學仍擇師資令其教授宋有四書院廬山白鹿洞嵩陽書院嶽麓書院應天府書院茅山書院未建州學也乾興元年兗州守臣孫奭私建學舍聚生徒乞請太學助教楊光輔充本州講書從之餘鎮未置學也景祐四年詔藩鎮始立學他州勿聽寶元元年潁州守臣蔡齊請立學時大郡始有學而小郡猶未置慶曆四年詔諸路州軍監各令立學學者二百人以上許更置縣學於是州郡不置學者鮮矣又置教授以三年為一任以經術仁義訓導諸生掌其課試之事而糾正不如規者委運司及長史於幕職州縣官

內薦教授或本處舉人舉有德藝者充當時雖置教授或舉士人委於漕司而未隸朝廷也熙寧六年詔諸路學官並委中書

門下選差至是教授始命于朝廷矣若試教官則始於元豐元豐七年立法試學官上等為博士下等為正錄添差教授則始於

政和元置各路儒學教授正八品散府上中州教授從八品從九諸州置學正諸縣

國朝於南北國子監外諸衛府置教授從九諸州置學正諸縣

置教諭各有訓導俱未入流分教焉

漢書光武問武臣曰諸卿不識書自度爵祿何所至也鄧禹曰

臣少嘗學問可為郡文學匡衡補平原文學明經當世少雙

言行錄安定胡先生瑗教授蘇湖間三十餘年弟子以數千計

時尚詞賦獨湖學以經義及時務學中故有經義齋治事齋經

義齋者擇疏通有器局者居之治事齋者人各治乙事又兼一事如邊防水利之類故天下謂湖學多秀彥其出而筮仕往往取高第及爲政多適於世用若老於吏事者由講習有素也歐陽公詩曰吳興先生富道德說說弟子皆才賢

節孝徐先生積時爲楚州教授先生嘗患鄉飲之禮世久不見率郡守舉行其儀閭巷鄉老皆使與飲又著文勸諭子弟室家是日士民在泮者蓋千人矣

宋史紹興十三年宋宙奏乞盡復教官上曰教授須逐州置十二年已有指揮仍須是擇通經心術正者爲之若教官非其人士人心術一壞再整頓費力切宜遴選也

政和五年臣寮言見任教授不得爲人撰書啓簡牘樂語之類庶日力得餘辨舉業事以副陛下責任師儒之意

續會要特奏各推恩各授縣主學郊恩出官

洪邁福州教授壁記自慶曆詔書郡國大抵悉有學而立官教授則由熙寧始崇寧大觀乃極盛凡版在職方者必建學如中州教授雖秩卑吏部勿敢豫必宰相自推擇而大郡多至四五員文風張施古無有也

適一子師道有五一日正習二曰勤業三曰介守四曰崇恬五曰篤善夫言侈而道費象莊而行邪技繁而本剝是以正習之爲貴遊以棄時怠以玩歲是以勤業之爲貴義接而侑行與市馬而以訓誰則能之是以介守之爲貴群而修以俟舉也失者睹獲羨生焉其趨乃懷是以崇恬之爲貴夫右賢左劣植率仆

梗乃能動矣是以篤善之為貴行此五者以教可以淑士矣士淑舉用以臧舉臧官用以良官良治用以昌故師也莫重焉

吏部職掌一選用教職 副榜舉人禮部備查年及三十願選

容部選除舊例中上者除署學正教諭中中者除署訓導嘉靖

八年該本部題准俱除學正教諭其訓導員缺通候歲貢考選

下第舉人乞恩就教者禮部引赴廷試容部選除舊例先學正

教諭次訓導俱與實授嘉靖八年該本部題准止選學正教諭

與副榜俱三月選除隆慶五年太學士高題准學官司教非有

民社之寄而又官小家貧不便遠方今後通得選除本省嘉靖四十年

四年大學士徐題將下第造選舉人於內考選三四員供事該本部考選得正卷唐文燦等四卷備卷四卷進呈其取中合擬

試中書舍人許令會試一次

杜甫醉歌贈鄭廣文諸公衮衮登臺省廣文先生官獨冷甲第

紛紛厭梁肉廣文先生飯不足又戲簡才名二十年坐客寒無

劉克莊送方子約赴衢教博士非如吏巍然道自居諸生趨避

席太守揖升車朱筆濃批卷青燈細勘書漢廷重文藻行矣召

嚴徐

司獄

類聚五代以來諸州皆有馬步獄以牙校充馬步都虞候掌刑

法謂之馬步院太祖慮其任私高下其手開寶六年始置諸州

司寇參軍以新進士及選人為之後改為司理名雖同今司獄實為各府推官

國朝設刑部司獄都察院司獄都布按司獄府司獄俱從九品

漢書曹參以獄為寄屬齊後相曰慎勿擾獄市所以并容擾之

奸人何所寄

宋史司理以專鞫獄事劇者置二人太平興國九年詔曰司理參軍專於推鞫研覈情實尤在得人宜令本州於見任簿尉判司內選明敏有官業者充秩滿當與升資罷軟不任其職可以選官代

言行錄范文正公仲淹為廣德軍司理日抱其獄與太守爭是非守盛怒臨之公不為屈歸必記往復辯論之說于屏上至守無所容比去貧止一馬鬻馬徒步而歸姪華若以詩記其事維持往行下枉直情必通

太守異趣舍挺然不曲從有事爭救之粉屏記其終官小俸祿薄家居率窮空賣馬以自給徒步氣彌克

巡檢 類聚宋有沿邊溪洞都巡檢或蕃漢或數州數縣管界或一州

一縣巡檢掌訓練甲兵巡邏州邑擒捕盜賊事又有刀魚船戰棹巡檢江河淮海置捉賊巡檢又巡馬遞鋪巡河巡捉私茶鹽等各視其名分以修舉職業皆巡邏幾察之事大元有大都四關廂巡檢 國朝亦置巡檢司從九以主議察馬東都事畧曹光實為黎雅都巡檢安集勞來民夷懷之召還太祖喜曰此蜀中之俊傑也

何灌字仲源由武舉為府州黃河東岸巡檢賈胡嶺有水泉子虜嘗越境南汲灌慮異日為邊患盡折絕之虜忿聚兵千山馳薄官軍灌迎高射之發輒中或著岸石皆沒鏃後虜官肅太師者會灌於雄州言水泉子之戰嘆何巡檢神射灌曰灌是也懌

為永安巡檢群盜聞桑殿直來皆遁去

職畧景德三年封事者言諸處巡檢務在武勇疆明乞不以閩楚江浙川陝人為之上謂樞密王欽若曰人之勇怯豈拘南北若此區別非任人之道

傅堯俞書沿淮巡檢廳壁巡檢職捕盜職舉則盜去如失其職兵皆盜也何則上既不戢下從而縱恃賴勢力侵漁良民非盜而何噫竊鼠狗偷者逐可去捕可擒係縲囚戮其勢易制至於士兵一得縱放則欺擾公行使民口膠舌結禁不敢出聲是誠盜之巨者

洪邁乞禁巡檢迎送切惟巡尉之官專以捕盜賊督姦猾為職未嘗責其將迎上官巡視傳舍也而間者以來惟事趨走漫不復以職事為意而最甚者如都巡檢使所部或連三州或跨兩路凡監司守貳之去來必候之於境上所帶兵卒數十輩無俸可借則歛之衆軍以給所歷道路數百里無貲可贍則取之村民以濟若所除監司又或改命往往空行空反動涉一兩月設部內不虞而有鼠竊狗偷之盜當以何人捕之夫居此官者亦豈樂為奔走之役哉一或不至則上官以為失禮因緣据撫使不安位故相承為例

驛站

周禮地官凡國野之道十里有廬廬有飲食三十里有宿宿有路室路室有委十里有市市有候館候館有積

行人掌邦國遽傳之事

左旦使遽告於鄰又乘遽而至言欲速至詩江漢注克勝則使傳遽告功于王

釋文以車曰遽傳以馬曰遽

漢書田橫懼乘傳詣洛陽如淳曰律駟馬高足為置傳四馬中足為馳傳四馬下足為乘傳一馬二馬為輅傳急者乘一馬曰乘傳師古曰傳者今之驛古者以車謂之傳車其後以馬謂之

驛騎青箱雜記唐以前館驛並給傳往來開元中驛務從簡便方給驛券驛之給券自此始也

前平紀一封輅傳注如淳曰律諸乘傳及發駕置傳者持尺五木封以御史大夫印其乘傳者參封之有期會者累封四端各兩封凡四封乘置傳者五封之兩端各二中央一也輅傳再封之一馬一封宣帝詔吏或飾廚傳稱過使客取名譽周語敵國實至關尹以告劉晏云州縣取富家主郵遞謂從驛

大人賦糾蓼叫募踏以腹路弓張捐曰腹着也下着道也狡獵賦駢衍必路師古曰必次比也一曰滿也

武爵

考索漢刑法志高祖既定天下踵秦而置材官於郡國京師有南北軍之屯至武帝平百粵內增七校外有樓船皆歲時講肄備武備云南軍光祿勳衛尉掌之北軍中尉掌之故胡廣曰衛尉巡行宮中執金吾徼於外相為表裏以討猾擒奸漢之南北軍正猶唐之南北衙也南衙衛兵是也左右羽林左右龍武北衙禁軍是也唐末強臣悍將滿天下典領之官則大尉上將軍衛將軍分掌之吏則中壘校尉北軍中候之流僚屬之員則南北皆有軍正與丞唐府兵之制二十為兵六十而免而民無常兵之勞三時耕稼一時治武而兵無常聚之患六家而賦一兵是不悉民以為兵也六家而供一兵是不仰給於官也宿衛

者一月而更戍兵者三年而代則所以役民者甚簡也置府六百而居閑中者三百六十舉天下不敵閑中所以明乎輕重之勢兵散于府將歸于朝而無握兵之重所以杜乎禍亂之源若夫器甲則出於民戍兵衣糧則又取辦於民國無養兵之費唯元從禁兵與番上衛兵或出征者有所給焉至於教戰調發亦有可考者折衝以農隙教戰陣按閱不精則罪至折衝弁及刺史此其教戰者也國家有所召發必下符契於郡府參驗乃發此其調發者然也夫府有三等千二百人為上千人為中八百人為下府有折衝都尉左右果毅都尉又有別將長史兵曹校尉旅帥等官以其等級相統治則有坊團隊火之制有十六衛而下驍騎武衛等每衛有大將軍有將軍有射聲有中郎將凡兵士隸衛各有其名如射聲至玄宗募驍騎以宿

衛而無可交之兵在內之勢日輕置長征於邊而精銳咸聚西北址在外之勢日重十道置使徧於邊陲而藩鎮有強盛之勢節度之職盡用胡人而國家無藩籬之助漁陽之變豈待智者而後知哉宋統軍官內有三衙殿司馬司步司宋沿五代之制有侍衛親軍及殿前兩司蓋侍衛親軍起於後唐殿前始於周世宗顯德元年宋初侍衛親軍置都指揮使雖都虞候亦在殿前都指揮使上自王超罷職無復任者而侍衛司馬軍步軍遂分為二并殿前號三衙而馬步二軍始居殿前司之下馬三司天下之兵柄皆在其權雖重軍政號四廂之制外有總管鈐轄都監將官之制中興以來公江置都統之官此內外掌兵之任也宋朝待武臣以節禦團練使刺史為正任以殿前馬步軍以內客省使客省引進四方館東西上閣門使副為橫行以通事舍人閣門祇候為閣職以橫行使及諸州帶防禦團練使刺史為遙郡以諸司使副內殿承制崇班為大使臣供奉官侍禁殿直供奉職為小使臣殿前司有都指揮使副指揮使都虞候下二司同都指揮使

虞候以刺掌殿前諸班直及步騎諸指揮之名籍統制訓練番
史以上充衛戍守遷補賞罰皆總其政令入則侍衛殿陛出則扈從乘輿
大禮則提點編排整肅禁衛鹵簿儀仗掌宿衛之事

馬軍司 掌馬軍諸都指揮之名籍凡統制訓練番衛戍守遷

補賞罰皆總兵政令餘所掌如殿前司政和中詔以馬軍都指
揮使馬軍副都指揮使在正任觀察使之上馬軍虞候在正任
防禦使之上中興以來主管侍衛馬軍司一員常出戍建康

步軍司 掌賞罰諸指揮之名籍凡統制訓練番衛戍守遷補
賞罰皆總其政令餘所掌如殿前司政和中詔以步軍都指揮
使副都指揮使在正任觀察使之上都虞候在正任防禦使之

上中興以來主管侍衛步軍一員 宋初沿後周有殿前都點檢在都指揮使上後不置

四廂 殿前司捧日 舊曰日騎 天武 舊曰控鶴 馬軍司龍衛 舊曰龍捷 步軍司

神衛 舊曰虎捷 謂之上四軍各有左右廂廂各有二軍

都總管副總管 魏黃初始置都督諸州軍事後周改都督諸

軍事為總管武帝時以王謙為益州總管總管之名始此隋文

帝以并益荆揚四州置大總管其餘總管府置於諸州列于上

中下三等加使持節煬帝改師都督為旅帥唐諸州復有總管

亦加使持節武德初邊要之地亦置宋朝馬步軍都總管以節

度使充副總管以觀察以下充有止一州者有數州為一路者

有帶兩路三路者或文臣知州則管勾軍馬事舊相重臣亦為

都總管

都統副都統 唐天寶末置天下兵馬元帥都統朔方河東北

平盧龍節度使都統之名始於此乾元初李峘除都統淮南江東西節度使宣慰觀察處置等使都統之號始於此唐制或總五道或總三道大中後討徐州以康承訓討黃巢以荆王鐸皆為都統黃巢之難置諸道行營都統掌征伐兵罷則省雖總諸道兵馬不賜旗節宋朝中興置統制一時兵興稱謂不一諸道起兵有自稱統制者州縣管押勤王兵者亦有稱統制者諸道都總管及諸州使宜差充統制者唐興元中置副都統紹興中亦有副都統

都鈐轄副鈐轄 宋以朝官及諸司使充或一州或一路或兩路或三路亦無都字者建炎中要郡守臣兼都鈐轄以武臣為副改諸路都監為副鈐轄

夔州別集

國朝兵制永樂八年北征始分步騎為五軍命靖

遠侯王友督中軍寧遠侯何福督左哨武安侯鄭亨督右哨寧

陽侯陳懋督左掖廣恩伯劉才督右掖尋別選輕騎為前哨命

都督劉江等充遊擊將軍督之又以都督薛祿冀中等充驃騎

將軍都指揮侯鏞陳賢等充神機將軍都督金玉等充鷹揚將

軍都指揮李文等充輕車將軍分督精卒不隸五軍十二年正

月北征歸京師則為五軍大營五軍營中軍左掖右掖左哨右

哨管操練京衛及中都山東河南大寧三都司輪班騎步兵景

泰中用兵部尚書于謙議擇三大營精銳騎兵十萬分為十營

團操以備緩急是為團營而以兼總督武清侯石亨昌平侯楊

洪安遠侯柳溥為總兵太監曹吉祥劉永誠等監之餘步騎仍

歸三大營曰老營天順初罷八年復置成化初罷三年復置分
 為十二營凡十二萬人曰奮武耀武練武顯武敢勇果勇効勇
 鼓勇立威伸威揚威振威嘉靖庚戌改京營總兵曰總督戎政
 將校亦如之隆慶四年大學士趙貞吉奏將見操官軍分為左
 右中前後五營各擇一將分統責令開營訓練而以文臣巡覈
 之收戎政印歸之內府有事則領勅掛印而命將闡外事完則
 繳勅納印而歸將營中下兵部議不盡合乃請仍舊制分五軍
 神樞神機三大營各以總兵一員統之各給勅關防而以文職
 大臣一員總理之餘如貞吉言近年以來雖將有廉貪政有叢
 舉而夙弊大約如故京師陸海易以影射一也輦轂權貴所萃
 動則掣肘二也不見敵縱有拳勇不習戰三也嗚呼欲兵之

強得乎

職方考鏡兩京都督府分隸各都指揮使司十六 行都司五

留守司二 衛四百九十三 守禦群牧所三百五十九

儀衛司二十五 宣慰司二 宣撫司六 安撫司十七 招

討司一 長官司六十四 蠻夷都司衛所長官司四百六十

三

會典武選司資格五軍都督府左右都督俱正一品同知從一品 僉事

正二品

留守司洪武初置中都留守嘉靖增置興都留守司正二品 司

副正三品 指揮同知從三品

都指揮使司都指揮使正二品 都指揮同知從二品 都指揮僉事正三品

衛指揮使

正三品

指揮同知

從三品

指揮僉事

正四品

衛鎮撫

從五品

所正千戶

正五品

副千戶

從五品

所鎮撫

從六品

百戶

正六品

儀衛司儀衛正

正五品

儀衛副

從五品

典仗

正六品

宣慰使司宣慰使

從三品

同知

正四品

副使

從四品

僉事

正五品

宣撫司宣撫

從四品

同知

正五品

副使

從五品

僉事

正六品

安撫司安撫

從五品

同知

正六品

副使

從六品

僉事

正七品

招討司招討

從五品

副招討

正六品

長官司正官

正六品

副長官

從七品

凡五府大臣并管理府軍前衛侯伯與錦衣衛堂上掌印僉書官嘉靖年題准每遇考選軍政之年俱聽自陳去留取自上

裁其有不協公論者許言官糾拾萬曆七年令各省直總兵官照例自陳

凡錦衣衛官嘉靖年題准除皇親帶俸原不管事達官營操不係管理軍政等官難以考選外其餘若指揮在所管事并千戶以下等官不拘見任閑住俱聽本衛堂上掌印正官從公開註賢否履歷送部會同議擬與騰驥四衛一併嚴加考選果有廉能可用仍舊管事如行止不堪一體帶俸單任

階勲

考索唐階曰開府儀同三司從一品特進正二品光祿大夫從二品金紫光祿大夫正三品銀青光祿大夫從三品正議大夫正四品上通議大夫正四品下大中大夫從四品上中大夫從

四品下中散大夫正五品上朝議大夫正五品下朝請大夫從
 五品上朝散大夫從五品下朝議郎正六品上承議郎正六品
 郎承議郎從六品上通直郎從六品下朝請郎正七品上宣德
 品上徵事郎正八品一郎從七品上從議郎從七品下給事郎正八
 林郎正九品上登仕郎正九品下一郎從八品上承務郎從八品下儒
 九品下凡二十九宋朝舊階曰開府儀同三司特進以上宰相
 使相階光祿大夫金紫光祿大夫正奉大夫以上執政階朝請
 大夫朝散大夫朝奉郎宣德郎承事郎承奉郎儒林郎文林郎
 登仕郎將仕郎以上為京朝官至侍從階凡十有五元豐新制
 以階易官乃襍取唐及祖宗舊制而損益之定為二十四階號

